


吉林通志

吉林通志卷七

大事志一

本朝先世發祥於長白山是山高二百餘里縣互千餘里樹峻極之雄觀萃扶輿之靈氣山之上有一潭曰闕門源深流廣鴨綠混同愛濬三江出焉是山孕奇毓異所產珠璣珍貝爲世寶重奇木靈藥應候挺生山之東有布庫里山下有池曰布爾湖里相傳有天女降池畔吞朱果生聖子生而能言體貌奇異及長乘舠至河步其地有三姓爭爲雄長日構兵亂靡由定有取水河步者見而異之歸語眾曰汝等勿爭吾取



水河步見一男子察其貌非常人也天必不虛生此人眾往觀之皆以爲異因詰所由來答曰我天女所生姓愛新覺羅氏名布庫里雍順天生我以定汝等之亂者眾驚曰此天生聖人也遂昇至家三姓者議曰我等盍息爭推此人爲國主遂定議以女妻之奉爲貝勒其亂乃定居長白山東俄漠惠之野俄朶里城國號曰滿洲是爲

本朝開基之始也

八旗通志一

越數世以後不善撫其眾國人叛戕害宗族有幼子名范察者遁於荒野國人追之會有神鵲止其首追

者遙望鵲棲處疑爲枯木中道而返乃得免隱其身  
以終自此後世俱德鵲誠勿加害云數傳至

肇祖原皇帝生有智略慨然以恢復爲志計誘先世讐人之  
後四十餘人至蘇克素護河之呼蘭哈達誅其半以

雪

祖讐執其半以搜舊業旣得遂釋之于是

肇祖居赫圖阿拉地

後稱興京

距俄朵里城西一千五百餘里

國方略一

開

戊子年

明萬曆十六年

蘇完部長索爾果率部眾來歸

太祖以其子費英東佐理政務

國方略二 開

辛卯年

明萬曆十九年

春正月收服鴨綠江路時環境諸國

有抗逆者皆已削平境內所產東珠人蔘紫貂黑狐  
狍獐獐諸珍異之物足備服用

國勢日盛乃遣兵招撫長白山之鴨綠江路盡收其眾

同上

癸巳年

明萬曆二十一年

夏六月禦葉赫哈達烏拉輝發四

部兵敗之先是辛卯年葉赫貝勒納林布祿

貝勒揚吉努之子

遣使伊爾當阿拜斯翰來告曰烏拉哈達葉赫輝

發滿洲言語相通勢同一國豈有五主分建之理今

所有國土爾多我寡盍將額勒敏扎庫穆二地以一

與我

太祖叱之曰我乃滿洲爾乃呼倫爾國雖大我豈肯取我國  
卽廣爾豈得分且土地非牛馬比豈可割裂分給爾等皆  
執政之臣不能各諫爾主奈何靦顏來告耶旣而葉赫哈  
達輝發三國貝勒復各遣使來宴之葉赫使人圖爾  
德起請曰我主有言欲相告恐觸怒見責奈何

太祖曰爾不過述爾主之言耳所言善吾聽之如出惡言吾  
亦遣人以惡言報之吾豈爾責乎圖爾德曰我主云欲分  
爾地爾不與欲令爾歸附爾又不從儻兩國興兵我  
能入爾境爾安能蹈我地耶

太祖聞言大怒引佩刀斷案曰爾主弟兄何嘗親臨陣前馬  
首相交破冑裂甲經一大戰耶昔哈達國蒙格布祿岱善  
如二童擲骨爲戲以致鬪爭叔姪自相擾亂故爾等得掩  
襲之何視我若彼之易也爾地豈盡設關隘吾視蹈爾地  
如入無人境晝卽不來夜亦可至爾其奈我何昔吾以

先人之故問罪于明明歸我喪遺我敕書馬匹尋又授我左

都督敕書已而齋龍虎將軍敕書歲輸金幣汝父見殺于

明事在甲申年詳曾未得收其骸骨徒肆大言于我何爲

也遂

作書遣巴克什阿林察持往

諭之曰爾持此書至葉赫兩貝勒前誦之若懼而不誦卽居  
彼勿復來見我阿林察遂行葉赫貝勒布齋聞之使人迎  
至家索視書阿林察出書誦之布齋曰我旣見書不  
必令吾弟納林布祿見也阿林察曰我

主有命此書不令俱見勿復回布齋曰吾弟言辭不遜汝主  
怒之良是但吾弟見書又恐有傷于汝耳阿林察乃  
還未幾長白山所屬珠舍哩訥殷二路同引葉赫兵  
劫我東界洞寨羣臣入告

太祖曰任彼劫之可也此不過我同國之人遠附葉赫劫掠  
我寨耳水豈能越山而流火豈能踰河而燃乎蓋水必下



流火必上燃珠舍哩訥殷二路終當爲我有也至是葉赫  
貝勒布齋納林布祿糾哈達貝勒蒙格布祿烏拉貝  
勒滿泰輝發貝勒拜音達哩四國合兵劫我瑚布察  
寨

太祖率兵追之設伏于途少引兵亦略哈達國富勒佳齊寨  
秋九月擊敗葉赫哈達九部兵葉赫哈達烏拉輝發  
科爾沁錫伯卦勒察珠舍哩訥殷九部合兵分三路  
來侵

太祖率諸貝勒大臣詣

堂子再拜

祝曰

皇天后土上下神祇某與葉赫本無釁端守境安居彼來搆怨糾合兵眾侵陵無辜

天其鑒之又拜

祝曰願敵人垂首我軍奮揚人不遺鞭馬無顛躓惟祈默佑助我戎行祝畢遂引兵至托克索地立渡處

誠軍士曰盡解爾蔽手去爾護項或項臂傷亦惟

天命不然身先拘繫難以奮擊我兵輕便破敵必矣是夕葉

赫營有一人來降者言葉赫貝勒布齋納林布祿兵

萬人哈達貝勒蒙格布祿烏拉貝勒滿泰輝發貝勒

拜音達哩兵萬人蒙古科爾沁貝勒翁阿岱莽古斯  
明安及錫伯部卦勒察部兵萬人凡三萬人我兵聞  
之色變

太祖曰爾等無憂吾必不疲爾力俾爾苦戰惟壁于險隘誘  
之使來若來我兵迎擊之否則四面列陣以步軍徐進彼  
部長甚多兵皆烏合勢將觀望不前其爭先督戰者必其  
貝勒我以逸待勞傷其貝勒一二人彼眾自潰我兵雖少  
奮力一戰固可必勝耳遂于旦日進兵初葉赫兵攻赫濟  
格城未下是日又攻

太祖至古塔山對赫濟格城據險結陣

命額亦都率百人挑戰葉赫兵見之罷攻城引兵來戰我軍  
迎擊敗之斬九人敵稍卻葉赫貝勒布齋錦台什及  
科爾沁三貝勒復併力合戰布齋突前所乘馬觸木  
而踣我兵名武談者趨而前踞其身刺殺之敵遂亂  
錦台什與納林布祿見布齋被殺皆慟哭他貝勒並  
膽落潰奔科爾沁貝勒明安馬被陷遂棄鞍裸身乘  
驍馬走

太祖縱兵掩擊積尸滿溝壑追奔至哈達國柴河寨之南明  
日我兵擒一人至告曰我獲此人將殺之彼大呼勿  
殺願自贖因縛之來跪

上前

太祖問曰爾何人對曰烏拉貝勒滿泰之弟布占泰也恐見殺未敢明言生死惟

上命言訖叩首不已

太祖曰汝等九部會兵侵害無辜

天厭汝等昨已擒斬布齋彼時獲爾亦必殺矣今既見汝何忍殺語曰生人之名勝于殺人與人之名勝于取人遂解其縛

賜狴狀裘贍養之是役也斬級四千獲馬三千匹鎧冑千副以整以暇而破九部三萬之眾自此軍威大振遠

邇懾服矣

同上

冬十月取珠舍哩部珠舍哩部長裕楞額以兵助葉赫諸部兵來侵遂遣兵征克珠舍哩路獲裕楞額寬釋其罪遷以歸贍養之

同上

閏十一月取訥殷部訥殷部藪穩色克什前此亦以兵助葉赫諸部兵來侵至是聚七寨人據佛多和山寨而居乃

命額亦都安費揚古噶蓋率兵千人攻圍佛多和山寨三月乃下斬藪穩色克什

同上

乙未年

明萬曆二十三年

夏六月攻克輝發部多壁城輝發

貝勒拜音達哩前與葉赫諸部一再來侵

太祖率兵攻克其所屬之多壁城斬城守克充額蘇蒙額二

人而還

同上

丙申年

明萬曆二十四年

秋七月遣還烏拉布占泰歸國

命大臣圖爾坤煌占博爾寬斐揚古護送之未至其兄貝勒

滿泰父子往所屬蘇幹延錫蘭地修築邊壕父子淫

村中二婦其夫夜入皆殺之及布占泰至滿泰之叔

興尼雅爭立欲殺布占泰因護送二大臣嚴為防護

不能害興尼雅奔葉赫遂立布占泰為烏拉國主

同上

丁酉年

明萬曆二十五年

春正月葉赫哈達等部遣使乞盟

葉赫哈達烏拉輝發同遣使來告曰吾等不道兵敗  
名辱自今以後願復締前好重以婚媾葉赫貝勒布  
揚古願以妹歸

太祖貝勒錦台什願以女妻貝勒代善

太祖許焉具鞍馬鎧胄爲聘更椎牛刑白馬祀

天設卮酒塊土及肉血骨各一器四國相繼誓曰旣盟以後  
若棄婚姻背盟好其如此土如此骨如此血永墜厥  
命若始終不渝飲此酒食此肉福祿永昌誓畢

太祖亦誓曰爾等踐盟則已有渝盟者待三年不悛吾乃征

之  
上同



戊戌年明萬曆二十六年春正月招降安楚拉庫路先是大

臣費英東初征瓦爾喀部取噶嘉路殺部長阿球降

其眾以歸至是以安楚拉庫路舊屬瓦爾喀部

太祖命長子褚英幼弟巴雅喇與費英東噶蓋統兵一千征

之星馳而往取屯寨二十餘招降萬餘人而還同上

冬十二月烏拉貝勒布占泰率三百人來謁

賜甲冑五十

敕書十道禮遣之東華錄天命一

己亥年明萬曆二十七年春正月東海窩集部之呼爾哈路

長旺格彰格率百人來朝獻黑白紅三色狐皮黑白

二色貂皮自是每歲朝謁其長博濟哩乞婚

太祖嘉其率先歸附因以大臣女六配其六長

國方略一

甲辰年

明萬曆三十二年

春正月己未

太祖以后病革時欲見母未能怒葉赫貝勒率兵征之壬戌

克二城曰璋曰阿奇蘭取其七寨俘二千餘人而還

東華錄

天命一

丁未年

明萬曆三十五年

先是陣獲烏拉布占泰釋歸主其

國未幾布占泰以其兄滿泰妻都都祐所珍銅錘送

葉赫貝勒納林布祿又以我國所屬瓦爾喀部之安

楚拉庫路內河路眾所推服之三人送葉赫引其使

人招誘安楚拉庫內河二路適有東海瓦爾喀部斐  
優城長策穆特赫來朝告曰吾等因地方遙阻久附  
烏拉國今其國主布占泰遇我等虐甚乞移家來附

國方略三開春正月

太祖命弟舒爾哈齊長子褚英次子代善大臣費英東扈爾  
漢率兵三千至斐優城徙之時夜陰晦軍中大轟之  
上有光眾以爲異捫視無有復樹之光如初舒爾哈  
齊曰吾自幼從

上征討所見多矣未有此異其非吉兆耶欲還兵褚英代善  
曰或吉或凶兆已定吾等遽還將何以報

命耶遂決意前進至斐優城盡收環城屯寨凡五百戶令扈爾漢率兵三百護之先行烏拉貝勒布占泰發兵萬人邀諸路扈爾漢見之令五百戶結寨山巔以兵百人衛之使人馳告後隊是夕烏拉兵萬人扈爾漢兵僅二百人各據山一面結營相持翼日烏拉來攻我大將揚古利爭先奮擊斬烏拉兵七人我兵止傷一人烏拉兵退渡河登山畏懼不敢前兩軍相向駐營日過午我後隊兵齊至見烏拉兵甚多褚英代善策馬而前諭軍士曰吾

父每有征伐無不摧堅陷敵今雖未親行而我等奉

命來此爾眾何憂昔布占泰侵我國我國擒而縛之吾

父宥其死復豢養之俾歸主其國爲時未久人猶是人曾從  
吾手而釋非有天幸得脫也今豈不能再縛之耶彼  
兵雖多我國荷

天眷仗

天威吾

父威名夙著破敵兵必也眾軍士皆曰願効力遂渡河褚英  
代善各率兵五百分二路緣山奮擊烏拉兵大敗代  
善追及烏拉統兵貝勒博克多從馬上左手攫其胄  
而斬之時天氣晴明忽陰晦大雪寒冽被傷敵兵棄

甲逃者僵仆甚眾是役也陣斬博克多及其子生擒  
貝勒常住及貝勒瑚哩布斬三千級獲馬五千匹甲

三千副

東華錄  
天命一

夏五月

命貝勒巴雅喇巴圖魯額亦都扎爾固齊費英東侍衛扈爾

漢率兵千人征窩集部取赫席赫路鄂謨和蘇嚕路

佛訥赫托克索路俘二千人還三路並附烏拉招降

不從故征之

同上

秋九月平輝發國先是葉赫貝勒納林布祿遣使來

誓盟

見丁酉年

未幾背之

太祖遣將穆哈連征蒙古獲馬四十匹以還納林布祿邀于  
路盡奪之并執送穆哈連與蒙古又以其弟錦台什  
所許我國貝勒代善之女妻蒙古喀爾喀貝勒齋賽  
癸卯年秋

孝慈皇后病篤思見母

太祖遣使至葉赫迎之納林布祿不許甲辰春

太祖率兵征葉赫攻克瑯城及阿奇蘭城時輝發貝勒拜音

達哩族人多投附葉赫其部眾亦有叛謀拜音達哩

恐懼以其臣七人之子來質乞援許焉發兵千人助

之納林布祿給拜音達哩曰爾若歸爾質子吾卽返

爾叛族拜音達哩信其言乃曰吾其中立於滿洲葉赫之間乎遂取回所質七臣之子以己子與納林布祿爲質納林布祿竟不歸其叛族拜音達哩遣其臣來告曰吾前者誤爲納林布祿所誑今欲倚賴

上恩乞以女

賜我爲婚

太祖許之後拜音達哩背約不娶

太祖遣使謂曰汝昔助葉赫二次來侵我宥爾罪復許爾婚

今背約不娶何也拜音達哩給曰俟吾葉赫質子歸乃娶

爾女與爾合謀因築城三層以自固後所質葉赫之



子既歸復遣問之曰爾質子歸今將何如拜音達哩以堅城足恃遂負約丁未年八月彗星出西方九月丙申見于東方指輝發國八夜方滅

太祖卽于是月己亥率兵征之甲辰圍其城克之誅拜音達哩父子招降其眾乃班師輝發之先本姓伊克得哩黑龍江岸尼瑪察部人有星古禮者自黑龍江載木主遷于扎嚕居焉因呼倫國之噶揚阿圖謨圖二人居于璋地姓納喇欲附其姓殺七牛祭天改姓納喇是爲輝發始祖生子備臣備臣生納靈阿納靈阿生拉哈都督拉哈都督生噶哈禪都督噶哈禪都督生

齊訥根達爾漢齊訥根達爾漢生旺吉努招服附近  
諸部築城于輝發河邊呼爾奇山號輝發國是時蒙  
古察哈爾國扎薩克圖圖們汗自將圍其城不克而  
還旺吉努卒孫拜音達哩殺其叔七人自爲貝勒至

是國亡

國方略三開

戊申年

明萬曆三十六年

春三月

命褚英同舒爾哈齊之長子阿敏率兵五千征烏拉宜罕山

城克之斬千人獲甲三百俘其眾以歸時烏拉貝勒

布古泰與蒙古科爾沁貝勒翁阿岱合兵出烏拉城

二十里遙望我軍知不可敵遂相約而還九月

二字據東

華錄 增 布占泰因失宜罕山城大懼始遣使往來復通

前好執葉赫貝勒納林布祿屬下五十人送我使臣

殺之 同上

秋九月窩集部之呼爾哈路千人侵我甯古塔城我

駐防薩齊庫路兵百擊敗之斬百人生擒十二人獲

馬四百匹甲百副餘眾悉降既而降人有逃至窩集

部之瑚葉路者匿弗以獻 同上

己酉年 明萬曆三十七年 春二月明令朝鮮歸我瓦爾喀人

戶

冬十二月戊申朔

太祖命侍衛扈爾漢率兵千人征窩集部所屬瑚葉路取之

收二千戶而還

太祖嘉其功

賞甲冑馬匹

賜號達爾漢時有歸附我國之窩集部綏芬路長圖楞為窩

集部之雅蘭路人所掠

東華錄

庚戌年

明萬曆三十八年

冬十一月

太祖遣額亦都率兵千人往窩集部之那木都祿綏芬甯古

塔尼瑪察四路招其路長康古哩喀克篤哩昂古明

安圖烏魯喀僧額尼喀哩塘松阿葉克舒等來歸令

其挈家口前行額亦都旋師至雅蘭路遂擊取之收

萬餘人而還

國方略三開

辛亥年

明萬曆三十九年

秋七月取烏爾固辰穆稜二路先

是窩集部來歸路長僧額尼喀哩二人以

太祖所賜甲四十副置綏芬地為窩集部之烏爾固辰穆稜

二路兵掠去

太祖遣呼爾哈部長博濟哩

即己亥年率眾歸附者

往二路宣

諭歸還所掠弗從乃

命第七子阿巴泰同大臣費英東安費揚古率兵千人征烏

爾固辰穆稜二路俘千餘人而還同上

冬十一月攻克扎庫塔城先是東海呼爾哈路扎庫塔人來降

太祖賜之甲三十副其人以所賜甲送黑龍江濱之窩集部人被子樹以試射又貪烏拉國布疋受其貝勒布占泰招撫至是遣額亦都何和哩扈爾漢率兵二千往征扎庫塔城諭降弗從圍三日攻克其城斬千人俘二千人並招降環近路長圖勒伸額勒伸令率五百

戶來歸

同上

壬子年

明萬曆四十年

冬十月駐兵烏拉河邊先是烏拉貝

勒布占泰遣使修好旣而背盟侵我國所屬窩集部

之呼爾哈路者再復欲娶我國所聘葉赫貝勒布齋  
女又以鳴鏑射所娶我國公主

太祖聞之怒秋九月癸丑

親統師征之庚申張黃蓋鳴鉦鼓沿烏拉河而行布占泰率  
兵迎戰至河濱見我兵甲冑鮮明士馬精強軍勢甚  
盛烏拉兵人人惴恐無鬪志

太祖遂沿河岸而下克其臨河五城又取金州城駐營其城  
在布占泰所居大城河岸之西距城西門二里許冬  
十月辛酉朔東方有青白二氣指烏拉城北我軍屯  
其地三日布占泰晝則率兵出城相持河岸夜則入

城休息遂毀其六城並焚其廬舍糗糧移駐于富勒  
哈河渡口布占泰親率其臣六人乘舟止河中跪而  
乞曰烏拉國卽

父皇之國也幸勿盡焚糗糧叩首哀籲不已遂回營駐烏拉  
國五日還兵至烏拉河邊伊瑪呼山岡以木爲城留  
兵千人守之十二月有白氣起自烏拉國經

上宮殿之南直抵呼蘭哈達

癸丑年

明萬曆四  
十一年

春正月平烏拉國先是布占泰悔

罪求和仍班師至是聞布占泰以其子綽啟鼐及十  
七臣之子送葉赫爲質娶我國所聘女又幽寘所娶



我國兩公主遂復

親統師征之布占泰期以正月丙子送其子質葉赫而我兵  
先一日至攻取遼扎塔城進克郭多鄂謨二城翼日  
布占泰率兵三萬越富勒哈城列營我貝勒大臣皆  
欲戰

太祖止之曰征伐大國豈能使之遽無子遺乎仍以前言申  
諭之布占泰率兵三萬由富勒哈城而來令軍士步行列陣  
以符兩軍距百步許我兵亦下馬步戰矢交發如雨  
呼聲動天

太祖奮然挺身而入諸貝勒大臣率軍士鼓勇縱擊大敗烏

拉兵十損其六七餘皆棄兵甲逃竄遂乘勢奪門克其城

太祖登陣坐西門樓悉樹我軍旗幟布占泰率敗兵不滿百人急還城下見我軍旗幟大驚而奔復遇貝勒代善率精兵邀擊之布占泰勢不能敵逃遁又損兵過半餘皆潰走布占泰僅以身免投葉赫國而去我軍獲馬匹甲冑器械無算盡收撫其所屬城邑駐軍十日大賚有功將士烏拉敗兵來歸者悉還其妻子僕從編戶萬家其餘俘獲分給眾軍乃班師烏拉之先以呼倫爲國號姓納喇與哈達國同以納齊布祿爲始

祖納齊布祿四傳都爾機都爾機生子二長克什納  
都督次古對珠延古對珠延生泰萬泰萬生布延布  
延收服附近諸部築城于烏拉河岸洪尼地國號烏  
拉自稱為貝勒生子二長布罕次博克多  
陣斬烏拉  
統兵貝勒布延卒子布罕繼之布罕卒子滿泰繼之  
至滿泰弟布占泰國乃亡  
國方略四開

秋九月征葉赫降烏蘇城先是

### 太祖遣使

諭葉赫貝勒錦台什布揚古曰昔我陣擒布占泰赦其死而  
贍養之又妻以三女輒敢以恩為讐是以問罪往征削平

其國今投汝汝其執之以獻使者凡三往錦台什布揚古  
不從秋九月辛酉

太祖率兵四萬征之有逃卒至葉赫洩軍期葉赫遂盡收散  
處居民其烏蘇城以痘疫未收我兵圍之

諭城中人降其城長三坦瑚什木遂開門降匍匐謁見  
太祖酌金卮飲之各

賜冠服盡焚葉赫所屬璋城吉當阿城雅哈城赫爾蘇城和  
敦城喀布齊賚城鄂吉岱城及屯寨凡十九處廬舍  
糧儲收烏蘇城降眾三百戶而還錦台什布揚古使  
人懇于明日哈達輝發烏拉三國滿洲已盡取之今

復侵我葉赫其意卽欲侵明取遼東以建國都使開  
原鐵嶺爲牧馬之場矣明乃遣使來言曰自今以後  
當與葉赫修好罷兵若不從我言而侵之勢將及我  
矣遂遣遊擊馬時楠周大岐率練習火器者千人爲

葉赫守衛東西二城

同上

甲寅年

明萬曆四十二年

冬十一月遣兵五百征窩集部之

雅蘭錫琳二路收降二百戶俘千人而還

同上

乙卯年

明萬曆四十三年

冬十一月窩集部東額赫庫掄人

寄語我國之人曰人謂爾國驍勇可來與我等決一

戰乃遣兵二千至固納喀庫掄招之不服遂布陣鳴

螺越壕三層毀其柵攻克其城陣斬八百人俘獲萬人收撫其居民編戶口五百乃班師同上

太祖高皇帝天命元年

明萬曆四十四年

秋九月甲午征薩哈連部

凱旋先是七月丁亥

太祖遣大臣安費揚古扈爾漢率兵二千征東海薩哈連部

二臣行至烏拉簡河劄舟二百水陸並進取沿河南

北三十六寨八月丁巳駐營黑龍江南岸江水常以

九月始冰是日眾見他處未冰獨我營近地距對岸

二里許結冰如橋約廣六十步皆以爲異安費揚古

扈爾漢曰此

天佑我國也引兵以渡取薩哈連部十一寨及還兵舊所過

冰橋已解其西偏復如前結冰一道我兵既渡冰盡

解後至九月仍應時而冰遂又招服音達琿塔庫喇

喇路

即使犬路

諾囉路錫喇忻路乃班師

國方略五開

天命二年春二月丙申朔遣兵收海邊部眾時東海

沿邊諸部尙多未附

太祖遣兵四百往征凡散處部眾悉收之其島居負險不服

者乘小舟盡取之而還

同上

天命三年

明萬曆四十六年

冬十月乙亥東海呼爾哈部長

納喀達率百戶來歸

太祖遣二百人迎之

御殿受朝設宴

諭令挈家口願留我國者爲一行未攜家口而願歸者爲一行分別聚立

賜願留者爲首八人各男婦二十口馬十匹牛十頭錦裘蟒服并四時之衣田廬器用諸物畢具部眾大悅其願歸之人感激乞留甚眾乃因還家者寄語曰他國軍士欲攻伐以殺我等俘掠我家產而

上以招徠安集爲念收我等爲羽翼

恩出望外我鄉兄弟諸人其卽相率而來無晚也

同上



天命四年春正月丙戌征葉赫

太祖命大貝勒代善率大臣十六人兵五千往守扎喀關以防明兵

親統軍征葉赫辛卯深入其界自克依特城尼雅罕寨距葉赫城東十里克大小屯寨二十餘其逃奔入城者盡追擒之又取葉赫所屬蒙古游牧畜產整兵而還離葉赫城六十里駐營翼日班師初葉赫貝勒錦台什布揚古聞我兵往征遣使向明開原總兵馬林告急馬林率兵助葉赫合兵出葉赫城四十里見我兵勢

甚壯不敢戰而退

開  
國方略六

庚戌

命大臣穆哈連率兵千人盡收呼爾哈遺民

東華錄  
天命三

三月葉赫貝勒錦台什布揚古欲助明與潘宗顏合其兵甫至開原中固城聞明兵敗大驚而遁

六月己未賚收降呼爾哈路長先是正月庚戌

太祖遣大臣穆哈連率兵千人征東海呼爾哈路至是收其丁壯二千以還椎牛列筵

賜賚來降路長分二等男婦馬牛衣服田廬器物具備

開

國方略六

八月壬申滅葉赫國時葉赫貝勒錦台什居東城布

揚古居西城

太祖與貝勒大臣定攻取策以諸貝勒率兵圍西城

親統八旗將士圍東城星夜進兵葉赫偵者馳告布揚古曰  
滿洲兵至矣葉赫人民聞之皆驚擾所屬屯寨居民  
近者避入城遠者匿山谷壬申我軍馳向西城布揚  
古偕其弟布爾杭古率兵出城西門陟岡鳴角鼓噪  
望見我軍旌旗劒戟如林隊伍整肅自度弗能禦倉  
皇入城諸貝勒遂督兵圍之

太祖統軍圍東城破其郭布列梯楯呼錦台什出降錦台什  
不從答曰我非明兵比等丈夫也我肯束手歸乎與

其降汝宵戰而死耳

太祖遂督兵攻城兩軍拒戰矢如雨雹我兵擁楯登山傍城  
下掘地欲墮其城城上發火器擲巨石滾木我軍冒  
矢石穴其城城墮遂入城城上敵眾復迎戰又敗之  
四面兵皆潰

太祖遣人執幟禁約軍士毋得妄殺又使人持

上黃蓋傳

諭城中降者免死于是城中兵民俱降錦台什攜妻及幼子  
登所居高臺我兵圍之呼曰汝降速下否則進攻錦  
台什曰我戰不能勝城破困於家縱再戰豈能勝乎

汝

皇子四貝勒我妹所生也得相見聞其盟言我乃下時

四貝勒攻西城

太祖召之至

命曰爾舅有言待汝至乃下汝往彼下則已不下以兵毀其

臺

四貝勒既往凡勸諭者再三錦台什仍執前言不下令親臣

阿爾塔什來見

太祖諭責之曰離間諸舅與我爲難致明人舉兵四十萬來

非汝也耶念此宜誅汝事既往不汝咎耳汝還語貝勒與

借來阿爾塔什還勸錦台什不從曰聞吾子德勒格爾被  
創在家召之來吾與相見乃下

四貝勒召德勒格爾至與之見德勒格爾謂其父曰我等戰  
既不勝城又破今居此臺欲何爲盍下臺生死聽之  
勸諫再四錦台什終不從

四貝勒欲縛德勒格爾德勒格爾曰我年三十六乃于今日  
死耶殺之可也何縛焉

四貝勒以其言奏

太祖曰子勸父降而不從父之罪也父當誅勿殺其子遂引  
德勒格爾見

太祖以所食賜

四貝勒與同食

諭曰此爾之兄也善遇之錦台什妻因其夫不下攜幼子趨下錦台什引弓從者復擐甲待我兵持斧斤毀其臺錦台什縱火焚屋宇盡燬我諸將謂錦台什已死令毀臺之兵退還火燎錦台什身自下爲我兵所執縊殺之時諸貝勒圍西城招之降不從會東城已破布揚古布爾杭古大懼使人來告願降以懷疑不敢出乃令其母來大貝勒以禮接見其母曰汝無盟言故我二子懷疑而懼耳大貝勒乃以刀割酒誓曰若汝

等降而我殺之殃及我若我既誓而汝仍不降殃及汝等汝等不降破汝城必殺無赦乃執酒飲其半分其半送布揚古布爾杭古飲之遂開門降大貝勒引布揚古見

上布揚古復勒馬立大貝勒挽其轡曰爾殆非丈夫耶言既定又立此躊躇何爲也乃來見布揚古跪不恭僅屈一膝不拜而起

太祖親以金卮賜之酒不恭如初屈一膝偏向酒不竟飲沾脣而已又不拜而起

太祖諭大貝勒曰引爾婦兄去回彼西城是日



太祖深念久之謂吾既不念舊惡欲留而豢養之貸其死子  
以生全未見有喜色仍讐怨且拜跪亦不少屈此人可豢  
養耶是夜

命縊殺之其弟布爾杭古以大貝勒故宥其死助葉赫防守  
之明遊擊馬時楠及兵一千盡殺之葉赫所屬各城  
俱降其官員及軍民皆弗罪父子兄弟夫婦親戚不  
令離散財物毫無所取徙其人而還悉予廩給並田  
廬器用無馬者千人並給以馬初葉赫之先蒙古國  
人姓土默特滅呼倫國所居璋地之納喇部遂據其  
地因姓納喇後遷于葉赫河岸建國故號葉赫國其

始祖星根達爾漢生錫爾克明安圖錫爾克明安圖  
生齊爾噶尼齊爾噶尼生楚孔格楚孔格生台楚台  
楚生二子長青嘉努次揚吉努兄弟綬服葉赫諸部  
各居一城哈達國人多歸之青嘉努揚吉努遂皆稱  
貝勒歲甲申明宵遠伯李成梁受哈達國所賂金及  
黑狐紫貂聽讒搆以賜敕賞賚爲名誘青嘉努揚吉  
努兩貝勒至開原并從兵三百皆殺之青嘉努子布  
齋揚吉努子納林布祿各繼其父爲貝勒李成梁率  
兵取其杜喀尼雅罕二寨戊子年又率兵圍攻納林  
布祿所居東城大傷兵卒不克而歸乃與和好焉納

林布祿弟錦台什布齋子布揚古嗣爲貝勒分居東

西城至是葉赫遂滅

同上

九年五月甲寅朔擊敗明兵于輝發地明將毛文龍  
令遊擊三員引兵侵我國所屬之輝發地沿鴨綠江  
越長白山而至我守將蘇爾棟安擊敗之追逐三日

盡殲其眾

開國方略入

十年三月辛未征東海瓦爾喀部諸將曰喀爾達曰  
富喀納曰塔裕攜降附之眾三百三十人以歸

朔方備乘

夏四月庚寅勞征克瓦爾喀軍初

太祖命族弟旺善大臣達珠瑚徹爾格統兵一千五百人征

東海瓦爾喀部俘獲甚眾是月己卯

駕出城迎之行抱見禮以獵獲獸百餘及所攜酒二百甕饗

從征士卒及降附戶口

開國方略八

秋八月丁丑朔勞征克卦勒察軍初

太祖遣大臣雅護喀穆達尼率兵征東海卦勒察部俘獲二

千人至是凱旋

駕出城宴勞之

同上

冬十月己卯勞征克呼爾哈軍初

太祖遣第三子阿拜第六子塔拜第九子巴布泰率兵一千

由北路征東海呼爾哈部侍衛博爾晉備禦偉齊扎

努塞紐克衷諾通貴尼堪率兵二千由南路征東海  
呼爾哈部博爾晉等招降五百戶先還至是阿拜等  
俘獲一千五百人以歸出城宴勞之同上  
十一月科爾沁貝勒奧巴遣使五人來告察哈爾林  
丹汗舉兵來侵其勢已迫乙卯

太祖選精騎五千

命三貝勒莽古爾泰

四貝勒及台吉阿巴泰阿濟格碩託濟爾哈朗

貝勒舒爾哈齊第六子

薩哈璘

大貝勒代善第三子

等統之而往進至農安塔地林丹

汗圍奧巴所居之格勒珠爾根城已數日攻之不克

聞我國援兵至倉皇夜遁遺駝馬無算圍遂解諸貝

勒乃振旅還同上

十一年十月丙辰往征東海卦勒察部大臣達珠瑚

等以俘獲人口馬牛還朔方備乘

太宗文皇帝天聰元年十二月長白山迤東濱海呼爾哈部

三人來朝以黑貂皮入貢開國方略十一

二年春正月東方格依克哩部四頭目率四十人來

朝宴之

賜衣各一襲同上

五月長白山迤東濱海呼爾哈部頭目曰禮佛塔曰

布克善曰喀秀曰克依克拉來朝各

賜鞍馬段衣并弓矢藥韃

朔方備乘一

三年秋七月乙未庫爾喀部頭目九人來朝以海豹

皮入貢

開國方略十二

四年五月呼爾哈部二十一人來朝以貂皮入貢

開國方略十三

十一月

那堪泰路之呼爾哈人瑪爾圖等攜家屬來

歸

命于甯古塔邊地駐牧

同上

五年三月甲午勞征克瓦爾喀軍先是

命大臣蒙阿圖率官八員兵三百人往征瓦爾喀五年二月  
甲戌蒙阿圖自甯古塔遣人奏報俘降男女二千餘  
至是凱旋行抱見禮

諭獎之

方略十四

開國

七月諾囉路呼爾哈部薩達蘭伊扣扎濟喇瓦爾禪  
四頭目來朝貢貂狐捨狝獾水獺皮又有頭目額克  
星格攜家來歸先是黑龍江有伊扎納薩克提伽期  
納鄂哩喀康柱五頭目來朝

事在六月

至是江濱呼爾哈

部托思科羌圖禮恰克謨察球四頭目來朝俱貢貂

狐捨狝獾等皮

同上



六年十月

駕至葉赫地行獵

開國方略十六

七年正月乙卯征烏扎拉部師還先是六年冬

命大臣武巴海率兵征烏扎拉部武巴海分八旗兵為四路

并趨渥赫河斬三百三十八人俘五百餘人獲馬三

百七十貂狐捨狽獾貉虎狼等皮千餘張裘二十

餘領至是凱旋

賞賜將士有差

開國方略十七

十一月戊申遣吉思哈武巴海征朝鮮接壤之瓦爾

喀部

東華錄作  
虎爾哈

辛亥

駕出獵於葉赫地

同上

八年二月呼爾哈所屬之黑龍江濱頭目羌圖禮瑪

爾罕率六姓六十七人來朝貢貂皮六百六十八張

開國

方略十八

五月甲辰吉思哈武巴海還至甯古塔遣人奏捷俘

獲男婦幼小千九百五十名馬牛皮張甚多

朔方備乘一

十一月使犬部蓋青屯頭目僧格率五十人來朝貢

貂皮

同上

十二月癸卯遣大臣武巴海荆古爾岱率每旗將領

一員每牛彖甲兵一名往征瓦爾喀

同上

九年正月使犬部索瑣科來朝

同上

四月武巴海荆古爾岱等自甯古塔遣噶爾珠奏報  
收撫瓦爾喀壯丁五百六十人婦女幼穉五百九十  
六月丙戌遣塞紐克沙努喀克徹尼郎格穆爾泰佟  
阿圖昂金等章京八員率每牛彖兵一名往迎所降  
戶口至是武巴海荆古爾岱等攜所招降瓦爾喀部  
人至

命禮部諸臣出迎大宴之

賞賜有差

方略二十

開國

十月癸未復發兵征之每旗派官二員每牛彖兵五  
名漢軍二名分八旗爲四路兩旗合進一路兩黃旗  
武巴海爲帥以昂金謨默里叟塞鄂屯伊里布蒙格  
副之率兵二百九十七名由額赫庫掄額勒約索二  
處進取其地壯丁七百五十人兩紅旗多濟里爲帥  
以方金布爾薩海雅爾堪聶努克瑚什副之率兵三  
百五名由雅蘭錫琳瑚葉三處進取其地壯丁七百  
五十七人兩藍旗扎福尼爲帥以特穆祿諾穆齊多  
蘭托密善塞格副之率兵二百九十八名由阿庫里  
尼滿二處進取其地壯丁四百八十八人兩白旗武什

塔爲帥以瑯糾和勒多拜斯哈爾瑚新泰滿岱宜爾  
海副之率兵三百三十七名由諾囉阿萬二處進取  
其地壯丁一千一十四人仍各攜鄉導人以往出征  
主帥各授軍律一道其應取壯丁及鄉導人姓名俱  
載四主帥軍律中武巴海武什塔軍律內增一款云

烏扎拉部

卽天聰六年武  
巴海征服者

百壯丁家勿得侵擾並往

招伊兄弟塞亨布克沙等之現居宵古塔者

開國方

略二

十一

十年三月武什塔等奏言八旗將士共俘獲壯丁一  
千一百六十名婦女一百四十口馬牛皮張無算

賞賚有差

同上

四月己丑征瓦爾喀多濟里扈習還辛丑扎福尼道  
蘭還獲人丁馬牛皮張甚多

賞賚有差

東華錄

崇德元年五月征瓦爾喀俄屯昂金還獲人丁牛馬  
皮張甚多

賞賚有差

同上

二年閏四月乙卯獵於葉赫

同上

六月辛丑敘錫特庫等追剿喀木尼堪部逃人葉雷

功先是天聰十年

太宗命阿賴達爾漢率外藩蒙古諸貝勒兵往追茂明安部

下逃人至使鹿部喀木尼堪地方招服葉雷舍爾特

庫巴古奈土古奈等來獻葉雷等旋往盜科爾沁部

占巴拉

天聰八年秋七月與其弟塞爾固楞率兵來朝

部下馬八百匹及乘

圖王

即洪果爾

部下馬四十五匹而逃是時秉圖王及伊

勒都齊貝勒

即棟果爾

伊爾登

即布木巴

哈坦巴圖魯

即固穆二人皆

郭爾羅斯部長

等所屬有四五家散處及出外採捕約五十

人皆被殺秉圖王部下十七人追及之逃人還擊殺

三人又奪馬十七匹而去經

興京守將扈什塔入告遣甲喇章京錫特庫執信牌往

甯古塔會同守將武巴海率甯古塔兵追之又遣正黃旗牛永章京噶爾糾執信牌率卦勒察兵沿烏拉地方追緝又遣蒙古衙門撥什庫博羅執信牌往科爾沁部令土謝圖親王巴達哩卓哩克圖親王武克善發兵躡追兼令防失牲畜錫特庫等率二十二人躡逃人蹤跡自多爾博庫地方行至烏拉駐防邊城武巴海率四十五人來會至溫多地方圍之諭降不從因攻殺九十四人生擒八十七人獲馬五十六匹葉雷聞知乃殺其妻子遁入山中我兵追至射殺葉雷凡七閱月始還



命管旗大臣迎宴

賞賚有差

開國  
方略二十四

十二月癸亥征瓦爾喀諸將奏捷先是正月癸亥

太宗於朝鮮軍營遣外藩科爾沁扎魯特敖漢奈曼諸部兵

出朝鮮咸鏡道往征瓦爾喀遣蒙古衙門承政尼堪

甲喇章京吉思哈牛采章京葉克舒率每旗甲士十

人導之以行道出會甯擊敗朝鮮平壤巡撫兵二千

人餘兵悉降五月十九日至烏拉地方遣還蒙古十

六旗兵七月己巳復遣喀凱塔克珠來虎舒書翁愛

尼噶禮克布圖輝山恩古里雅薩諧巴巴爾噶遜綏

赫德珠瑪喇綽貝塔哈布海塞蒙格哈什屯雅布喀  
棟果爾滿都祐占楚喀音達禮等率兵一千二百分  
爲四路往征瓦爾喀兩黃旗一路率阿庫里尼滿地  
壯丁一百名穆稜地壯丁四十名烏爾固辰地南濟  
蘭牛条下喀克篤哩兄弟等壯丁三十名共一百七  
十名以圖必善分達哩瑪哈達爲嚮導兩紅旗一路  
率綏芬壯丁七十名雅蘭壯丁四十名瑚葉壯丁二  
十名烏爾吉壯丁七十名共二百名以圖球恰塔齊  
什納爲嚮導兩藍旗一路率額赫庫掄壯丁六十名  
額勒以東塞木克勒以西壯丁五十名共一百十名

以愛韜多爾周常濟里濟布楚爲嚮導兩白旗一路  
率諾囉阿萬壯丁三百名以雅爾布佛得密封濟達  
蘇布特赫爲嚮導至是諸將遣六人奏捷言兩黃旗  
舒書塔克珠率甲士六十人入烏爾固辰獲塞約愛  
塔哈佛珠武克星額塔克圖男子三十名家口八十  
馬七十三兩紅旗恩古里克布圖率甲士六十人入  
綏芬獲剛球畢爾哈木巴爾珠男子二十八人家口  
六十五兩白旗哈什屯滿都祜於所入汎地獲吉木  
善伊訥肯索畢伯得根哈里瑚阿爾珠克木訥畢爾  
珠男子一百三十人家口三百三十馬八十有三並

獲貂狐捨狽獾水獺等皮張甚多於次年四月師還  
賜新獲瓦爾喀男婦幼稚等衣服居室器用牲畜等物并

賚喀凱等從征兵丁銀兩有差

同上

三年夏四月甲午朔征卦勒察諸將奏捷先是

太宗率諸王貝勒等西獵於大草灘卓索圖爾格尼等處

在事

崇德二年

十二月

命葉克舒爲右翼大臣星訥爲左翼大臣與其下阿福尼赫

葉訥瑪喇希喀木齊哈喀爾喀瑪鄂謨克圖薩哈納

穆成額叟塞阿林巴雅爾圖塞赫哈喇勒岱訥爾特

穆圖希福等率兵六百往征卦勒察葉克舒星訥等

師至薩哈勒察俘獲男子六百四十名家口一千七百二十馬一百五十六匹牛一百有四頭至是

盛京留守諸王遣兵部啟心郎占巴等齎疏以

聞遣官迎宴之

賞賚有差

開國方略二十五

五年二月丙辰遣多濟里喀珠等率八旗甲士八人嚮導四人往甯古塔會同章京鍾果兌達敏等酌帶兵三四百名往征烏扎拉部多濟里等至烏扎拉俘獲百有十人於六月癸酉師還迎宴於五里外

賞賚有差

開國方略二十八

五月甲辰征瓦爾喀部奏捷先是東方瓦爾喀部眾叛入熊島遣薩爾糾英古納爾泰錫圖等率兵百人往瓦爾喀收其餘黨薩爾糾英古等遂攜嘉哈禪同往收捕餘黨五百人至是戶部啟心郎布丹等自

盛京至錦州

御營奏薩爾糾等俘獲男子三百三十六人歸降男子一百四十九人內有捕海豹二百四十三人捕貂鼠一百九十八人仍居彼地攜來者四十四人俘獲家屬七百九十六口歸降家屬四百八十一口攜來者八十三口又來朝之羌都蘇拉庫塞木得三人輝克地方

朱吉喇一人及先降之賴達庫與嘉哈禪之子奇喇  
納艾都達松阿託和訥俱至其歸降一百四十九人  
及新獲二百九十二人俱留置鄯朱屯中令每年貢

貂皮海豹等物

同上

八年春正月辛亥征松阿里江之呼爾哈部師  
還先是崇德七年九月

太宗命沙爾琥達珠瑪喇率將士往征松阿里江之呼爾哈  
部閏十一月沙爾琥達等遣人還奏喀爾喀木遮克  
特庫塔圖庫福提希鄂爾琿幹齊奇庫巴察拉額提  
奇薩里尼葉爾伯十屯人民俱已招降于月之初十

日自松阿里江旋師至是還遣官迎宴之計獲男婦  
幼稚一千六百十九人牲畜六百三十有奇

賞賚有差

方略三十一

開國

冬十月庫爾喀部賴達庫等及炎楮庫雅喇氏二十

六百來貢

東華錄  
順治一

世祖章皇帝順治元年甲申春正月甲午

命甲喇章京沙爾琥達率師征庫爾喀

東華錄  
順治二

九年駐守甯古塔章京海色率所部擊羅刹戰於烏

扎拉村

朔方備乘  
六十一

十年始於甯古塔設昂邦章京副都統鎮守

同上



十四年鎮守甯古塔昂邦章京沙爾琥達敗羅刹於

尙堅烏黑同上

十五年秋七月庚戌鎮守甯古塔昂邦章京沙爾琥

達等奏擊敗羅刹兵獲其人口甲仗等物

命兵部察敘以所俘獲分

賜有功將士東華錄  
順治一

十六年沙爾琥達卒以其子巴海爲甯古塔將軍討

羅刹朔方備乘  
六十一

十七年秋七月丁丑鎮守甯古塔總管巴海等奏臣

等率兵至薩哈連松噶里兩江合處偵聞羅刹賊眾

在費牙喀部西界隨同副都統尼哈里海塔等領兵  
前進至使犬地方伏兵船於兩岸有賊艘奄至伏發  
賊卽回遁我兵追襲賊棄舟登岸敗走斬首六十餘  
級淹死者甚眾獲婦女四十七口並火礮盔甲器械  
等物招撫費牙喀部十五村百二十餘戶

命所司察敘

同上

十八年昂邦章京薩兒吳代造船於小烏拉所以征

阿羅斯也

柳邊紀略

聖祖仁皇帝康熙三年巴海殲羅刹八十人於索倫

朔方備乘六十一

老羌屢侵黑斤非呀哈諸種宵古塔歲出大師救之

康熙三年五月將軍巴海乘大雪襲破之於烏龍江

自是邊患少息

秋筭集二

十五年春移甯古塔將軍駐烏喇雞陵建木爲城統

新舊滿洲兵二千並徙各省流人數千修造船艦四

十餘艘又有江船數十日習水戰以備老羌

扈從東巡日錄

吉林通志卷八

大事志二

虞帝舜二十五年息慎氏來朝貢弓矢  
竹書紀年一

周武王十五年息慎氏來賓  
竹書紀年三

周成王九年肅慎氏來朝王使榮伯錫肅慎氏命  
同上

成王既伐東夷肅慎來賀王使榮伯作賄肅慎氏命

尙書注疏十八

成周之會正北方稷慎大塵  
孔晁注稷慎肅慎也逸周書王會解

康王之時肅慎復至  
後漢書東夷傳

挹婁古肅慎之國也漢興以後臣屬夫餘  
同上

元朔元年秋東夷歲君南閭等口二十八萬人降爲

蒼海郡

漢書武帝紀

元朔元年滅君南閭等率二十八萬

口詣遼東內屬武帝以其地爲蒼海郡數年乃罷至

元封三年滅朝鮮分置樂浪元菟臨屯真番四部至

昭帝始元五年罷臨屯真番以并樂浪元菟元菟復

徙居句驪自單單大領以東沃沮濊貊悉屬樂浪後

以境土廣遠復分領東七縣置樂浪東部都尉

後漢書東

夷傳

新莽始建國元年班符命於天下其東出者至元菟

樂浪高句驪天餘

資治通鑑三十七

建武二十五年夫餘王遣使貢獻後漢書光武帝紀光武厚

答報之於是使命歲通東夷傳

永初五年夫餘夷犯塞殺傷吏人安帝紀夫餘王始將

步騎七八千人寇鈔樂浪殺傷吏民後復歸附東夷傳

永甯元年夫餘王遣子詣闕貢獻安帝紀夫餘王遣嗣

子尉仇台詣闕貢獻天子賜尉仇台印綬金綵東夷傳

建光元年高句驪馬韓穢貊圍元菟城夫餘王遣子

與州郡并力討破之安帝紀

延光元年春夫餘王遣子將兵救元菟擊高句驪馬

韓穢貊破之遂遣使貢獻同上句驪王宮率馬韓濊貊

數千騎圍元菟夫餘王遣子尉仇台將二萬餘人與

州郡并力討破之斬首五百餘級東夷傳

永和元年春正月夫餘王來朝順帝紀帝作黃門鼓吹

角抵戲以遣之東夷傳

延熹四年十二月夫餘王遣使來獻桓帝紀

永康元年夫餘王元台寇元菟元菟太守公孫域擊

破之斬首千餘級東夷傳

熹平三年春正月夫餘國遣使貢獻三國志三十

延康元年夫餘王遣使奉獻同上

夫餘本屬元菟漢末公孫度雄張海東威服外夷夫

餘王尉仇台更屬遼東時句麗鮮卑强度以夫餘在

二虜之間妻以宗女尉仇台死簡位居立無適子有

孽子麻余位居死諸加

國有君王皆以六畜名官有馬加牛加豬加狗加犬使

共立麻余牛加兄子名位居爲大使輕財善施國人

附之歲遣使詣京師貢獻季父牛加有二心位居殺

季父父子籍沒財物遣使簿斂送官麻余死其子依

慮年六歲立以爲王

同上

挹婁自漢以來臣屬夫餘夫餘責其租賦重以黃初

中叛之夫餘數伐之其人眾雖少所在山險鄰國人

畏其弓矢卒不能服也

同上



魏青龍四年五月肅慎氏貢楛矢

册府元龜九百六十八

正始中幽州刺史母邱儉討句驪遣元菟太守王頎

詣夫餘位居遣大加郊迎供軍糧

三國志三十

正始中儉以高句驪數侵叛督諸軍步騎萬人出元

菟從諸道討之句驪王宮連破走單將妻子逃竄

東夷

傳云宮

六年復征之宮遂奔買溝

東夷傳云宮奔北沃沮北沃沮一名

置溝婁按買置以字形相似而誤非兩地也

儉遣元菟太守王頎追之過

沃沮千有餘里至肅慎氏南界刻石紀功諸所誅納

八千餘口穿山溉灌民賴其利

三國志母邱儉傳

景元三年四月夫餘國遣使重譯入貢獻其國弓三

十張長五尺五寸楛矢長一尺八寸石弩三百枚皮

骨鐵雜鎧二十領貂皮四百枚晉書東夷傳册府元龜魏景元末來貢

楛矢石弩弓甲貂皮之屬魏帝詔歸於相府賜其王倭雞錦罽錦帛

晉泰始六年肅慎侵高句驪屠邊氓王按是時為中川王然弗子

藥盧遣弟達賈伐之拔檀盧城殺酋長朝鮮史略

咸甯三年東夷三國前後千餘輩各帥種人部落內

附晉書武帝紀

四年春三月東夷六國來獻是歲東夷九國內附同上

五年十二月肅慎來獻楛矢石弩同上

太康元年六月東夷十國歸化七月東夷二十國朝

獻二年三月東夷五國朝獻六月東夷五國內附三年九月東夷二十九國歸化獻其方物

同

六年夫餘爲慕容廆所襲破其王依慮自殺子弟走保沃沮帝爲下詔曰夫餘王世守忠孝爲惡虜所滅甚愍念之若其遺類足以復國者當爲之方計使得存立有司奏護東夷校尉鮮于嬰不救夫餘失於機

略詔免嬰以何龕代之

晉書東夷傳

七年八月東夷十一國內附

武帝紀

夫餘王依羅遣詣何龕求率見人還復舊國仍請援龕上列遣督郵賈沈以兵送之廆又要之於路沈與

戰大敗之鹿眾退羅得復國爾後每為鹿掠其種人  
賣於中國帝愍之又發詔以官物贖還下司冀二州

禁市夫餘之口

東夷傳

八年八月東夷二國內附九年九月東夷七國詣校

尉內附十年四月東夷十一國內附是歲東夷絕遠

三十餘國來獻虜

武帝紀

按東夷夫餘傳武帝時頻來朝貢本紀僅載東夷內附貢

獻而未明載夫餘故凡著東夷者盡錄之大事志內

永平元年東夷十七國詣校尉內附

惠帝紀

大興二年八月肅慎獻楛矢石磐

册府元龜九百六十八

咸康六年

石虎建武六年

十月挹婁國

原註一名肅慎氏

遣使通貢

虎召其使而問之答曰每候牛馬向西南眠者三年

矣是知有大國所在故重譯來云十六國春秋十六後趙錄

永和二年慕容皝仍稱十一月渡遼將軍恪攻高句

驪拔南蘇置戍而還十六國春秋二十五前燕錄

三年皝遣世子儁及廣威軍渡遼恪折衝慕輿根三

將軍率騎萬七千襲夫餘虜其王元及部眾五萬餘

口而還皝署元為鎮軍將軍以女妻之同上 按周濟晉略作滅

夫餘

太元九年慕容垂燕元年故夫餘王榮陽太守餘蔚率其眾

來降拜餘蔚為征東大將軍統府左長史仍封夫餘

王十六國春秋四

十四後燕錄

隆安四年

燕慕容盛長樂二年

盛率眾三萬伐高句驪襲其新

城南蘇皆克之

晉書載記

按十六國春秋云開境七百餘里

宋大明三年肅慎國重譯獻楛矢石柝

冊府元龜九百六十八

魏太安三年十有二月扶餘國遣使朝獻

魏書高宗紀

延興五年勿吉國遣使朝貢

冊府元龜

按勿吉傳作遣使乙力支朝獻

太和初又貢馬五百匹白云其國先破高句驪十落

密共百濟謀從水道并力取高句驪遣乙力支奉使

大國請其可否詔敕三國同是藩附宜共和順勿相

侵擾乙力支乃還從其來道取得本船訊達本國

魏書

勿吉傳

太和二年八月丁亥勿吉國遣使朝獻魏書高祖紀

九年勿吉復遣使侯尼支朝獻明年復入貢勿吉傳

十二年八月甲子勿吉國貢楛矢石弩高祖紀

十七年正月勿吉國遣使朝貢冊府元龜按魏書勿吉傳作遣使人婆

非等五百餘人朝獻

景明四年八月勿吉國貢楛矢魏書世宗紀按勿吉傳作遣使侯力歸

等朝貢

正始四年二月己未勿吉國貢楛矢同上

高句驪魏時歲致黃金二百斤白銀四百斤正始中

世祖於東堂引見其使芮悉弗悉弗進曰黃金出自夫餘珂則涉羅所產今夫餘爲勿吉所逐涉羅爲百濟所并二品所以不登王府實兩賊是爲魏書高句驪傳

永平元年二月二年八月三年八月四年八月勿吉

國遣使朝獻册府元龜九百六十九

延昌元年八月二年九月三年七月四年十月勿吉

國貢楛矢同上

熙平二年正月勿吉國遣使朝獻是年又貢楛矢同上

神龜元年二月八月勿吉國遣使朝貢同上

東魏天平三年十二月勿吉國遣使朝貢魏書孝靜紀



興和二年六月勿吉國遣使石久云等貢方物勿吉傳

三年勿吉國遣使朝貢冊府元龜九百六十九

武定二年四年五年勿吉國遣使朝貢同上

北齊天保五年七月戊子肅慎遣使朝貢北齊書文宣紀

武成帝河清二年三年靺鞨遣使朝貢冊府元龜九百六十九

天統元年靺鞨遣使朝貢二年靺鞨遣使朝貢三年

大莫婁靺鞨等國各遣使朝貢四年靺鞨國遣使朝

貢五年大莫婁遣使朝貢北齊書後主紀

武平元年七月靺鞨國遣使朝貢三年勿吉國遣使

朝貢同上

四年六年靺鞨遣使朝貢

冊府元龜九百六十九

隋開皇元年七月靺鞨酋長貢方物

同上

開皇初遣使貢獻高祖詔其使者曰朕聞彼土人庶多能勇捷今來相見實副朕懷朕視爾等如子爾等宜敬朕如父對曰臣等僻處一方道路悠遠聞內國有聖人故來朝拜旣蒙勞賜親奉聖顏下情不勝歡喜願得長爲奴僕也其國西北與契丹相接每相劫掠後因其使來高祖誠之曰我憐念契丹與爾無異宜各守境土豈不安樂何爲輒相攻擊甚乖我意使者謝罪高祖因厚勞之令宴飲於前使者與其徒皆

起舞其曲折多戰鬪之容上顧謂侍臣曰天地間乃

有此物常作用兵意何其甚也

隋書東夷傳

三年四年十二年十三年靺鞨貢方物

冊府元龜九百七十

十八年春二月高麗王元率靺鞨萬餘騎寇遼西營

州總管韋世冲擊走之

北史高麗傳

開皇中粟末靺鞨與高麗戰不勝厥稽部長都塔濟

原作突

地稽率八部勝兵數千人自夫餘城西北舉落內

附置順州以處之

遼史地理志四渠帥度地稽率其部來歸即其事

按隋書煬帝初

大業七年春下詔征高麗八年春詔左十二軍出蓋

馬南蘇元菟扶餘沃沮等道右十二軍出肅慎等道

段文振為左候衛大將軍出南蘇道於道中上表曰  
脫遇秋霖深為艱阻兵糧既竭強敵在前靺鞨在後  
遲疑不決非上策也

資治通鑑一百八十一

遼東之役靺鞨國渠帥度地稽率其徒以從每有戰

功賞賜優厚

隋書東夷傳

十一年正月靺鞨遣使朝貢

冊府元龜九百七十

唐武德二年十月靺鞨酋帥突地稽遣使朝貢突地

稽者靺鞨之渠長也

同上

靺鞨酋帥突地稽武德初遣閒使朝貢以其部落置

燕州仍以突地稽為總管

舊唐書北狄傳 按新書黑水靺鞨傳置燕州在貞

觀二年太平寰宇  
記作武德三年

五年十一月七年七月靺鞨渠帥阿固郎均來朝九

年四月靺鞨遣使朝貢  
册府元龜  
九百七十

貞觀二年黑水靺鞨臣附  
新唐書  
北狄傳

三年十二月靺鞨遣使朝貢五年十一月黑水靺鞨

並遣使朝貢  
册府元龜  
九百七十

高麗令東部大人蓋蘇文者監築長城東北自扶餘

東南至海千有餘里至是十六年乃畢  
朝鮮  
史略

六年十一月靺鞨遣使朝貢八年四月靺鞨渠帥來

朝  
册府元龜  
九百七十

十八年上將征高麗秋七月詔遣營州都督張儉等  
帥幽營二都督兵及契丹奚靺鞨先擊遼東以觀其

勢資治通鑑一  
百九十七

十九年正月靺鞨遣使來賀兼貢方物冊府元龜  
九百七十

帝伐高麗靺鞨北部與高麗合高惠真等率眾援安

市每戰靺鞨常居前帝破安市收靺鞨三千三百人

悉阮之新唐書  
北狄傳

二十一年二月上將復伐高麗以太子詹事李世勣  
為遼東道行軍大總管李世勣軍既渡遼歷南蘇等  
數城高麗多背城拒戰世勣擊破其兵焚其羅郭而

還資治通鑑一  
百九十八

永徽五年高麗王藏以靺鞨兵攻契丹為所敗文獻  
通考

三百二  
十五

六年新羅訴高麗靺鞨奪其三十六城詔營州都督

程名振率師討之新書高麗傳  
按通鑑作  
侵新羅北境取三十三城

顯慶三年十二月以左驍衛大將軍渤海都督迴紇

婆潤為左衛大將軍册府元龜九  
百六十四

龍朔元年正月鴻臚卿蕭嗣業為扶餘道行軍總管

以伐高麗新唐書  
高宗紀

乾封二年高侃尙在新城元年六月以營州都督高  
侃為行軍總管同討高麗

泉男建遣兵襲其營左武衛將軍薛仁貴擊破之侃  
進至金山與高麗戰不利高麗乘勝逐北仁貴引兵  
橫擊大破之斬首五萬餘級拔南蘇木底蒼巖三城

資治通鑑

二百一

總章元年二月李勣等拔高麗扶餘城薛仁貴旣破  
高麗於金山乘勝將三千人攻扶餘城與高麗戰大  
破之殺獲萬餘人遂拔扶餘城扶餘川中四十餘城  
皆望風請服泉男建復遣兵五萬人救扶餘城與李  
勣等遇薛賀水合戰大破之斬獲三萬餘人同上  
渤海靺鞨大祚榮者本高麗別種也高麗旣滅祚榮



率家屬徙居營州萬歲通天年契丹李盡忠反叛祚

榮新書作祚榮父舍利與靺鞨乞四比羽各領亡命

東奔新書度遼水保太白保阻以自固盡忠既死新書

武后封乞四比羽為許國公乞乞仲象為震國公赦其罪比羽不受命則天命右玉鈐

衛大將軍李楷固新書有中率兵討其餘黨先破斬

乞四比羽新書是時仲象已死其子祚榮引殘又度天門嶺

以迫祚榮祚榮合高麗靺鞨之眾以拒楷固王師大

敗楷固脫身而還屬契丹及奚盡降突厥則天不能

討祚榮遂率其眾東保桂婁新書作挹婁之故地據

東牟山築城以居之祚榮驍勇善用兵靺鞨之眾及

高麗餘燼稍稍歸之聖厯中自立為振新書國王遣

使通於突厥舊唐書北狄傳

中宗即位遣侍御史張行岌往招慰祚榮遣子入侍

將加册立會契丹與突厥連歲寇邊使命不達舊唐書北

狄傳

景雲二年十一月靺鞨遣使貢方物册府元龜九百七十

先天二年遣郎將崔訢往册拜祚榮為左驍衛員外

大將軍渤海郡王仍以其所統為忽汗州加授忽汗

州都督自是每歲遣使朝貢舊唐書北狄傳按新書云自是始去靺鞨之

號專稱渤海

開元元年十二月渤海王子來朝奏曰臣請就市交  
易入寺禮拜許之二年二月拂捏靺鞨首領央異蒙  
越喜大首領烏施可蒙鐵利部落大首領闕許離等  
來朝四年閏十二月靺鞨部落遣大首領來朝賜物  
三十段放還蕃拂涅部落遣大首領來朝册府元龜  
九百七十  
一九百  
七十四

五年拂捏靺鞨並遣使獻方物五月靺鞨遣使來朝  
獻方物六年二月靺鞨遣使來朝授守中郎將放還

蕃同上

七年正月拂捏靺鞨越喜靺鞨並遣使來朝各賜帛

五十正二月拂捏靺鞨遣使貢方物六月丁卯靺鞨  
渤海郡王大祚榮卒贈特進賜物五百段遣左監門  
率上柱國吳思謙攝鴻臚卿持節充使弔祭八月大  
拂捏靺鞨遣使獻鯨鮓魚睛貂鼠皮白兔貓皮同上  
祚榮死其國私謚爲高王子武藝立斥大土字東北  
諸夷畏臣之私改年曰仁安帝賜典冊襲王并所領

新唐書  
北狄傳

八年八月册渤海郡王左驍衛大將軍大武藝嫡男  
大都利行爲桂婁郡王同上

九月遣左驍衛郎將攝郎中張越使於靺鞨以奚及

契丹背恩義討之也

册府元龜九百八十六

九年十一月渤海郡靺鞨大首領鐵利大首領拂捏

大首領俱來朝並拜折衝放還蕃

同上九百七十四

十年閏五月黑水酋長倪屬利稽來朝授勃利州刺

史放還蕃九月大拂捏靺鞨如價及鐵利大拂涅買

取利等六十八人來朝並授折衝放還蕃十月鐵利

靺鞨可婁計來朝授郎將放還蕃十一月渤海遣其

大臣味勃計來朝並獻鷹授大將軍賜錦袍金魚袋

放還蕃十二月黑水靺鞨大酋長倪屬利稽等十人

來朝並授中郎將放還蕃

同上九百七十五

十一年十一月越喜靺鞨勃施計撈涅靺鞨朱施蒙  
鐵利靺鞨倪處黎俱來朝並授郎將放還蕃

同上

十二年二月丙申鐵利靺鞨湟池蒙來朝授將軍放  
還蕃越喜靺鞨奴布利等十二人來朝並授郎將放  
還蕃拂捏靺鞨大首領魚可蒙來朝授郎將放還蕃  
乙巳渤海靺鞨遣其臣賀祚慶來賀正賜帛五十疋  
丙辰黑水靺鞨大首領屋作箇來朝授折衝放還蕃  
十二月越喜靺鞨遣使破支蒙來賀正並獻方物

同上

十三年正月辛丑渤海遣大首領烏借芝蒙黑水靺  
鞨遣其將五郎子並來賀正且獻方物授將軍賜紫

袍金帶魚袋放還蕃三月丙午鐵利靺鞨大首領封  
阿利等十七人來朝越喜靺鞨苾利施來朝黑水靺  
鞨大首領烏素可蒙來朝拂涅靺鞨薛利蒙來朝並  
授折衝放還蕃四月甲子渤海首領竭德黑水靺鞨  
諾箇蒙來朝並授果毅放還蕃五月渤海王大武藝  
之弟大昌勃價來朝授左威衛員外將軍賜紫袍金  
帶魚袋留宿衛黑水部落職紇蒙等二人來朝授中  
郎將賜紫袍銀帶金魚袋放還蕃

同上

安東都護薛泰請於黑水靺鞨內置黑水軍續更以  
最大部落爲黑水府仍以其首領爲都督諸部刺史

隸焉中國置長史就其部落監領之舊唐書北狄傳

十四年四月乙丑渤海靺鞨王大都利來朝授左武

衛大將軍員外置留宿衛冊府元龜九百七十五

十一月渤海靺鞨王遣其子義信來朝獻方物同上

十五年二月辛亥鐵利靺鞨米象來朝授郎將放還

蕃四月丁未敕曰渤海宿衛王子大昌勃價及首領

等久留宿衛宜放還蕃庚申封大昌勃價襄平縣開

國男賜帛五十疋首領以下各有差先是渤海王大

武藝遣男利行來朝並獻貂鼠至是乃降書與武藝

慰勞之賜綵練一百疋八月渤海王遣其弟大寶方



來朝十月又遣其使來朝並獻方物十一月丙辰鐵

利靺鞨首領失伊蒙來朝授果毅放還蕃

同上

十六年四月癸未渤海王子留宿衛大都利行卒贈

特進兼鴻臚卿賜絹三百疋粟三百石命有司弔祭

官造靈輦還蕃九月壬寅渤海靺鞨菸夫須計來朝

授果毅放還蕃

同上

賜黑水靺鞨都督姓李氏名獻誠授雲麾將軍兼黑

水經略使仍以幽州都督爲其押使

舊唐書  
北狄傳

十七年三月甲子渤海靺鞨王大武藝使其弟大胡

雅來朝授遊擊將軍賜紫袍金帶留宿衛三月壬寅

渤海靺鞨遣使獻鷹是月又獻緇魚賜帛二十疋遣之八月丁卯渤海靺鞨王遣其弟大琳來朝授中郎

將留宿衛

册府元龜九百七十五

十八年正月戊寅靺鞨遣其弟大郎雅來朝賀正獻方物賜帛王子大拂捏靺鞨來朝獻馬四十匹授武衛折衝賜帛三十段留宿衛二月甲戌渤海靺鞨遣使智蒙來朝且獻方物馬三十匹授中郎將賜絹二十疋緋袍銀帶放還蕃五月己酉渤海靺鞨遣使烏那達利來朝獻海豹皮五張貂鼠皮三張馬瑙盃一馬三十匹授以果毅賜帛放還蕃壬午黑水靺鞨遣

使阿布思利

朝貢門作  
阿布科思

來朝獻方物賜帛放還蕃六

月戊午黑水靺鞨大首領倪屬利稽等十人來朝並

授中郎將放還蕃九月乙丑靺鞨遣使來朝獻方物

賜帛放還蕃

同上

十九年二月癸卯靺鞨遣使賀正授將軍放還蕃已

未渤海靺鞨遣使來朝授將軍賜帛一百疋放還蕃

十月癸巳渤海靺鞨王遣其大姓取珍等百二十人

來朝授果毅賜帛三十疋放還蕃

同上

二十年武藝遣其將張文休率海賊攻登州刺史韋

俊詔遣門藝往幽州徵兵以討之仍令太僕員外郎

金思蘭往新羅發兵以攻其南境屬山阻寒凍雪深

丈餘兵士死者過半竟無功而還

舊唐書北狄傳按册府元龜作十

年命左領軍將軍蓋福順發兵討之

二十四年

朝貢類作二十三年

三月乙酉渤海靺鞨王遣其弟

蕃來朝授太子舍人員外置賜帛三十疋放還蕃八

月鐵利拂捏越喜俱遣使來朝獻方物十一月癸酉

靺鞨首領聿棄計來朝授折衝賜帛五百疋放還蕃

册府元龜九百七十五

二十五年正月甲午靺鞨首領九異

朝貢類作木智蒙

來朝

授中郎將放還蕃四月丁未靺鞨遣其臣么伯計來

朝獻鷹鵠授將軍放還蕃八月戊申渤海靺鞨大首

領多蒙固來朝授左武衛將軍賜紫袍金帶及帛一

百疋放還蕃

同上

武藝死其國私謚武王子欽茂立改元大興

新唐書北狄傳

武藝病卒其子欽茂嗣立詔遣內侍段守簡往册欽

茂為渤海郡王仍嗣其父為左驍衛大將軍忽汗州

都督欽茂承詔赦其境內遣使隨守簡入朝貢獻

舊唐

書北狄傳按册府元龜作二十  
年唐會要作二十六年今從唐書

二十六年閏八月渤海靺鞨遣使獻貂鼠皮一千張

乾文魚百口是年渤海來寫漢書及三國志晉書

三十六國春秋

玉海一百五十三

二十七年二月丁未渤海王遣使獻鷹拂捏靺鞨遣

使獻方物渤海王弟大勛進來朝宴於內殿授左武

衛大將軍員外置同正賜紫袍金帶及帛一百疋留

宿衛十月乙亥渤海遣其臣優福子來謝恩授果毅

賜紫袍銀帶放還蕃

冊府元龜九百七十五

二十八年越喜靺鞨遣其臣野古利鐵利靺鞨遣其

臣綿度戶俱來獻方物十月渤海靺鞨遣使獻貂鼠

皮

同上九百七十一

二十九年二月己巳渤海靺鞨遣其巫失阿利來賀

正越喜靺鞨遣其部落烏舍利來賀正黑水靺鞨遣  
其臣阿布利稽來賀正皆授郎將放還蕃三月拂涅  
靺鞨遣首領那奔勃來朝賀正旦且獻方物四月渤  
海靺鞨遣使進鷹鶻

同上

天寶二年七月癸亥渤海王遣其弟蕃來朝授左領  
軍衛員外大將軍留宿衛

同上九百七十五

天寶五載渤海遣使來賀正六載正月渤海黑水靺  
鞨俱遣使來賀正且各獻方物七載正月黑水靺鞨  
遣使朝貢三月黑水靺鞨遣使獻金銀及六十綜布  
魚牙紬朝霞紬牛黃頭髮人溲八載三月渤海遣使

獻鷹九載正月黑水靺鞨遣使賀正三月渤海遣使

獻鷹十一載十一月黑水靺鞨遣使來朝十二月黑

水遣使來朝十二載三月渤海遣使賀正十三載正月

渤海遣使賀正同上九百七十一

天寶末欽茂徙上京直舊國三百里忽汗河之東訖

帝世朝獻者二十九新唐書北狄傳

寶應元年詔以渤海為國欽茂王之進檢校太尉同上

代宗大歷二年七月渤海遣使來朝二年八月渤海

九月靺鞨渤海十一月渤海十二月渤海各遣使朝

貢三年十二月渤海遣使朝貢七年十二月渤海靺



靺鞨遣使朝貢八年四月渤海遣使來朝並獻方物六月  
渤海遣使賀正十一月渤海遣使朝貢閏十一月  
渤海遣使來朝十二月渤海遣使來朝渤海靺鞨遣  
使朝貢九年正月渤海來朝十二月渤海靺鞨遣使  
來朝十年正月渤海靺鞨五月渤海六月渤海十二

月渤海靺鞨遣使朝貢

冊府元龜九百七十二

十二年正月渤海遣使獻日本國舞女一十一人及

方物四月十二月使復來

舊唐書北狄傳

二月渤海遣使獻鷹四月靺鞨十二月渤海靺鞨遣

使來朝各獻方物

冊府元龜九百七十二

建中元年十月渤海遣使朝貢三年五月渤海遣使

朝貢同上

貞元時東南徙東京欽茂死私謚文王子宏臨早死

族弟元義立一歲猜虐國人殺之推宏臨子華璵為

王復還上京改年中興死私謚曰成王

新唐書北狄傳按紀元

編華璵立  
貞元二年

七年正月渤海遣使來朝五月戊辰以渤海賀正使

太常靖為衛尉卿同正令歸國八月其王子大貞輔

來朝請備宿衛

舊唐書北狄傳

八年閏十二月渤海押靺鞨使楊吉福等三十五人

來朝貢唐會要

十年正月以來朝渤海王子大清允為右衛將軍同

正其下三十餘人拜官有差舊唐書北狄傳

華璵死欽茂少子嵩璘立改年正厯新唐書北狄傳

十一年二月遣內侍殷志瞻册大嵩璘為渤海郡王

舊唐書北狄傳

十二月以靺鞨都督密阿古等二十一人並拜中郎

將放還蕃十四年三月加渤海郡王兼驍衛大將軍

忽汗州都督大嵩璘為銀青光祿大夫檢校司空進

封渤海郡王依前忽汗州都督初嵩璘父欽茂以開

元二十六年襲其父武藝忽汗州都督渤海郡王左  
金吾大將軍天寶中累加特進太子詹事寶應元年  
進封欽茂爲渤海郡王大厯中又累拜司空太尉及  
嵩璘嗣位但授其郡王將軍嵩璘遣使敘禮故再加

册命焉

唐會要

十一月以渤海王姪大能信爲驍衛中郎將虞侯婁  
蕃長都督茹富仇爲右武衛將軍放還

舊唐書

十八年正月越喜遣使朝貢二十年十一月渤海遣

使朝貢

册府元龜九百七十二

二十一年渤海遣使來朝順帝加嵩璘金紫光祿大

夫檢校司空元和元年加檢校太尉舊唐書北狄傳

元和元年十二月二年十二月渤海均遣使朝貢册府

元龜九百七十二

四年正月命中官元文政往渤海充弔祭册立使同上

嵩璘死諡康王子元瑜立改年永德新唐書

以嵩璘男元瑜為銀青光祿大夫檢校祕書監忽汗

州都督依前渤海國王舊唐書唐會要作元和元年

五年正月渤海遣使高才南等十一月遣子大延真

等來朝獻七年渤海遣使來朝貢正月甲申賜渤海

使官告三十五通衣一襲册府元龜九百七十六

元瑜死謚定王弟言義立改年朱雀

新唐書

八年正月授元瑜弟權知國務言義銀青光祿大夫  
檢校祕書監都督渤海國王遣內侍李重昱使焉

舊唐書

書

十二月渤海王子辛文德等九十七人來朝丙午宴

渤海使賜以錦綵

冊府元龜九百七十六

九年正月渤海使高禮進等三十七人朝貢獻金銀

佛像各一二月己丑麟德殿召見賜宴有差十一月渤

海遣使獻鷹鶻十二月渤海遣使大孝真等五十九

人來朝

同上

十年正月丁酉詔賜渤海使者卯貞壽等官告放還  
蕃二月甲子賜渤海使大昌慶等官告歸之三月丙  
子賜渤海使官告歸之七月渤海王子大庭俊等一  
百一人並來朝貢同上

是年二月黑水酋長十一人朝貢唐會要

十一年二月渤海遣使朝貢癸卯賜渤海使錦綵銀  
器庚戌授渤海使高宿滿等二十人官授國信以歸  
三月甲戌以錦綿賜渤海使大誠慎等十一月渤海

遣使朝貢冊府元龜九百七十六

十二年渤海遣使朝貢同上

言義死謚僖王弟明忠立改年太始立一歲死謚簡

王從父仁秀立

新唐書

十三年渤海遣使李繼常等二十六人來朝

冊府元龜

遣使來朝且告哀五月以知國務大仁秀為銀青光

祿大夫檢校祕書監都督渤海國王

舊唐書

仁秀立改年建興其四世祖野勃祚榮弟也仁秀頗

能討伐海北諸部開大境宇

新唐書

十五年閏正月遣使來朝加大仁秀金紫光祿大夫

檢校司空

舊唐書

二月庚寅對渤海朝貢使於麟德殿賜宴十二月渤



海遣使朝貢

册府元龜九百七十六

長慶二年正月渤海遣使朝貢

同上

四年二月大靺等五人來朝請備宿衛

舊唐書

新唐書長慶按

中凡四來

寶歷元年三月二年正月渤海並遣使朝貢

册府元龜

文宗太和元年四月二年十二月三年十二月四年

十二月渤海均遣使朝貢

同上

仁秀死諡宣王子新德蚤死孫彝震立改年咸和明

年詔錫爵

新唐書

五年十一月渤海遣使朝貢六年二月渤海王子大

明俊來朝丙辰對渤海王子大明俊等六人宴賜有

差冊府元龜九百七十六

七年正月渤海王遣同中書右平章事高寶英來謝

策命仍遣學生三人隨寶英請赴上都學問先遣學

生三人事業稍成請歸本國許之舊唐書

二月己卯對渤海王子大光晟等六人宴賜有差冊府

元龜九百七十六

開成元年十二月渤海遣使朝貢二年正月對賀正

渤海王子大明俊等十九人宴賜有差三年二月對

入朝渤海使賜錦綵銀器四年十二月渤海王子大

延廣朝貢

同上

會昌六年正月渤海使朝於宣政殿賚錦綵器皿

同上

彝震死弟虔晃立死元錫立咸通時三朝獻初其王

數遣諸生詣京師習識古今制度至是遂為海東盛

國

舊唐書

天復三年春遼伐女直下之獲其戶三百

遼史太祖紀一

天祐三年遼遣偏師討東北女直之未附者悉破降

之

同上

開平元年五月渤海王子大昭順貢海東物產二年

正月渤海國朝貢使殿中少令崔禮光已下各加爵

秩并賜金帛有差三年三月渤海王大誣譔差其相

大誠諤朝貢進兒女口及貂鼠熊皮等物

册府元龜

乾化元年八月渤海遣使朝賀且獻方物二年五月

渤海王大誣譔差王子大光贊景帝表並進方物閏

五月戊申詔以分物銀器賜渤海進貢首領以下遣

還其國

同上

貞明四年

遼太祖神册三年屬國表是歲二月

渤海遣使來貢遼史太祖紀及

後唐同光二年

遼天贊三年

正月渤海王子大禹謨來朝

貢五月渤海王大誣譔遣姪元讓貢方物庚申賜渤

海朝貢使大元讓等分物有差

册府元龜九百七十二

五月丙午渤海殺其刺史張秀實而掠其民

遼史太祖紀二

五月丙辰渤海國王大諲譔遣使貢方物七月幽州

奏契丹安巴堅東攻渤海九月幽州上言安巴堅自

渤海回軍女直黃頭室韋合勢攻契丹

舊五代史三十二

八月渤海朝貢使王姪學堂親衛大元謙可試國子

監丞九月黑水國遣使朝貢十一月庚寅以黑水國

朝貢兀兒爲歸化中郎將

冊府元龜九百七十六

三年

遼天贊四年

二月渤海國王大諲譔遣使裴璆貢人

襪松子昆布黃明細布鼠皮被一褥六髮靴革奴子

二熟五月乙卯以渤海國入朝使政堂省守和部少

卿賜紫袍金魚袋裴璆可右贊善大夫同上

五月己酉黑水女直二國皆遣使朝貢舊五代史三十二 五代

會要作黑水胡獨鹿遣使朝貢

十二月乙亥遼太祖詔親征渤海大誣譏皇后皇太

子大元帥耀庫濟原作堯骨皆從丁酉次商嶺夜圍扶餘

府續通志四十一

遼天顯元年後唐明宗天成年春正月庚申拔扶餘城誅其

守將丙寅命特哩袞原作惕隱安圖原作安端前北府宰相玉

阿古齊原作阿古只等將萬騎為先鋒遇譚譔老相兵破

之皇太子大元帥耀庫濟原作堯骨南府宰相蘇北院額

爾奇木

原作夷  
離堊

實納齊

原作斜  
涅赤

南院額爾奇木迪里

原作

是夜圍輝罕

原作

忽汗城已巳渤海請降庚午駐軍

於城南辛未誣譔橐索牽羊率僚屬三百餘人出降

上優禮而釋之甲戌詔諭渤海郡縣丙子遣近侍康

末怛等十三人入城索兵器爲邏卒所害丁丑渤海

復叛攻破其城駕入幸誣譔請罪馬前詔以兵衛誣

譔及族屬以出祭告天地復還軍中二月庚寅安邊

鄭頡南海定理等府泊諸道節度刺史來朝慰勞遣

之壬辰以青牛白馬祭天地大赦改元天顯以平渤

海遣使報唐甲午復幸輝罕城丙午改渤海國爲東

丹輝罕城爲天福冊皇太子貝原作爲人皇王以主

之以皇弟特爾格原作爲左大相渤海老相爲右大

相渤海司徒大素賢爲左次相耶律伊濟原作爲右

次相赦其國內殊死以下丁未高麗滅貊鐵驪靺鞨

來貢三月戊午遣伊勒希巴原作夷康默記左僕射

韓延徽攻長嶺府三月丁卯幸人皇王宮己巳安邊

鄭頡定理三府叛遣安端討之丁丑三府平壬午安

端獻俘誅安邊府叛帥二人癸未宴東丹國僚佐頒

賜有差甲申幸天福城乙酉班師以大誣譏舉族行

夏四月丁亥朔次織子山辛卯人皇王率東丹國僚



屬辭五月辛酉南海定理二府復叛大元帥耀庫濟

討之六月丁酉二府平秋七月丙辰鐵州刺史衛鈞

反乙丑耀庫濟攻拔鐵州庚午東丹國左大相特爾

格卒辛未衛送大誣讓于皇都西築城以居之賜誣

讓名曰烏勒呼

原作烏魯古

妻曰阿勒札

原作阿里只

甲戌次

扶餘府上不豫是夕大星隕於幄前辛巳平旦子城

上見黃龍繚繞可長一里光耀奪目入於行宮有紫

黑氣蔽天踰日乃散是日上崩年五十五八月辛卯

康默記等攻下長嶺府甲午皇后奉梓宮西還壬寅

耀庫濟討平諸州奔赴行在乙巳人皇王貝繼至太

祖所崩行宮在扶餘城西南兩河之間後建昇天殿

於此而以扶餘為黃龍府云

遼史太祖紀一按是年地已屬遼故以遼紀

年而分注後唐於下

太祖攻渤海拔其扶餘城更命曰東丹國命長子突

欲鎮之號人皇王

一日東丹王

先是渤海國王大誣譏本

與奚契丹為唇齒國太祖初興併吞八部繼而用師

併吞奚國大誣譏深憚之陰與新羅諸國結援太祖

知之集議未決後因遊獵彌旬不止有黃龍在其羶

屋上連發二矢殪之龍墜其前太祖曰吾欲伐渤海

國眾計未定而龍見吾前吾能殺之是滅渤海之勝

兆也遂平其國虜其主

契丹國志一

按遼史天贊

盡四年至五年正月滅渤海  
二月即已改元天顯而國志乃繫此事於天贊六年  
此誤之大者今從正史取國志所記繫之天顯元年

丁亥契丹述律后使少子安端少君守東丹與長子

突欲奉契丹主之喪將其眾發扶餘城

資治通鑑二百七十五

東丹國人皇王稱制行事改元甘露

歷代建元考按胡三省通鑑

注謂東丹王居扶餘城蓋沿契丹國志之誤

突欲鎮東丹時乃渤海國亦有宮殿被十二旒冕服

皆畫龍象稱制行令凡渤海左右平章事大內相以

下百官皆其國自除授

契丹國志十四

阿保機兵力雄盛東北諸番多臣屬之以渤海土地

相接常有吞併之志下渤海未幾卽死渤海王命其弟率兵攻扶餘城不能克保眾而退

五代會要三十

高麗太祖九年春契丹滅渤海世子大光顯及將軍申德禮部卿大和鈞均老司政大元鈞工部卿大福謨左右衛將軍大審理小將冒豆于檢校開國男樸漁工部卿吳興等率其餘眾前後來奔高麗者數萬戶王待之甚厚賜光顯姓名王繼附之宗籍使奉其祀僚佐皆賜爵

遼史拾遺一  
引東國通鑑

是年四月渤海國王大諲譔遣使大陳林等一百一十六人入唐朝貢進兒口女口各三人人獲昆布白

附子及虎皮等七月復使大昭佐領等六人朝貢五代

會要

三十

天顯三年春正月己未黃龍府婁尼原作羅涅河女直達

囉噶原作達盧古來貢遼史太宗紀上

五月己巳女直來貢同上

十二月甲寅詔遣耶律伊濟遷東丹民以實東平其

民或亡入新羅女直因詔東丹民困乏不能遷者許

上國富民給贍而隸屬之同上

四年後唐明宗天成四年四月辛酉人皇王貝來朝五月癸酉

女直來貢十二月戊申女直來貢同上

是年五月渤海遣使高正祠入唐貢方物七月以高

正祠爲太子洗馬八月黑水遣使骨至入唐貢方物

冊府元龜五代會要以骨至爲歸德司戈

五年後唐明宗長興元年三月辛未人皇王獻白紵又進玉笛

四月乙未人皇王歸國十一月戊申東丹奏人皇王

浮海適唐遼史太宗紀上

初阿保機死長子東丹王突欲當立其母述律遣其

幼子安端少君之扶餘代之將立以爲嗣然述律尤

愛德光德光有智勇素已服其諸部安端已去而諸

部希述律意共立德光突欲不得立長興元年自扶

餘泛海奔於唐明宗因賜其姓爲東丹而更其名曰  
慕華其部曲五人皆賜姓名罕只曰罕友通穆葛曰  
穆順義撒羅曰羅賓德易密曰易施仁蓋體曰蓋來

賓

五代史記  
七十二

是年二月黑水首領兀兒遣使貢於唐

五代會  
要三十

六年

後唐長  
興二年

三月丁亥人皇王貝妃蕭氏率其國僚

屬來見秋七月丁亥女直來貢冬十月丁丑鐵驪來

貢

遼史太  
宗紀上

是年五月唐青州奏黑水兀兒部至登州賣馬

五代  
會要

十二月辛未渤海使文成角入唐朝貢册府元龜九百七十二

七年後唐長興三年四月己卯女直來貢遼史太宗紀上按五代史記唐明

宗紀是年正月己酉渤海遣使者來

二月唐青州奏黑水桃李花狀甲父胡獨鹿卒五代會要

十三

八年後唐長興四年春正月戊子女直來貢丁亥鐵驪來貢

遼史太宗紀上

是年七月後唐以渤海使文成角為朝散大夫右神

武軍長史奏事右錄事試大理評事高保乂為朝散

郎右驍衛長史並賜金紫五代會要三十



九年後唐閔帝應順元年春閏正月壬戌東幸女直來貢三月

癸卯五月癸丑並來貢遼史太宗紀上

十年後唐末帝清泰二年渤海遣使入唐貢方物冊府元龜九百七十二

十一年後唐清泰三年三月庚寅四月癸酉女直並來貢遼史

太宗紀上

是年二月後唐以入朝使南海府都督列周道為檢

校工部尚書政堂省工部卿烏濟顯試光祿卿五代會要

十三

十二年九月癸亥珠巴克原作尤不姑女直來貢辛未遣

使鐵驪十一月丁卯鐵驪來貢遼史太宗紀上

會同元年二月戊子鐵驪來貢三月丙寅四月甲申

丁酉六月丙子八月戊子女直並來貢八月庚子靺

鞞來貢遼史太宗紀下

二年三月戊申女直來貢十一月丁亥鐵驪遣使來

貢同上

三年春正月庚寅人皇王如來朝同上

二月壬寅女直來貢乙卯鴨綠江女直遣使來覲六

月乙未朔東京宰相耶律伊濟言渤海相大素賢不

法詔僚佐部民舉有才德者代之九月戊子女直遣

使來貢同上

四年二月丙午鐵驪來貢十一月丙子鴨淥江女直

來貢

同上

五年夏四月甲寅朔鐵驪來貢以其物分賜羣臣八

月辛酉女直貢方物

同上

六年六月丁未朔十一月甲辰鐵驪並來貢

同上

八年十一月戊戌女直鐵驪來貢

同上

九年春正月丁未六月癸丑女直俱來貢

同上

大同元年春正月癸卯遣趙瑩馮玉李彥韜將三百  
騎送負義侯及其母李氏太妃婁氏妻馮氏弟重睿

子延煦延寶等於黃龍府安置仍以其宮女五十八

內宦三人東西班五十人醫官一人控鶴四人庖丁

七人茶酒司三人儀鸞三人健卒十八從之同上

辛卯契丹制降晉少帝為光祿大夫檢校太尉封負

義侯黃龍府安置其地在渤海國界舊五代史八十五契丹國志

云黃龍府即慕容氏和龍城其說非是說見下條

漢乾祐二年二月徙帝太后於建州自遼陽東南行

千二百里至建州節度使趙延暉避正寢以館之去

建州數十里外得地五十餘頃帝遣從行者耕而食

之五代史記晉家人傳按資治通鑑注建州南至燕京一千二百四十五里似當在今熱河以北地

故承德府志取之然歐史明云自遼陽東南行千二百里則仍在今鄂多里城地為渤海所置建州無疑

通鑑注及契丹國志皆非也

應歷元年十二月壬子鐵驪來貢

遼史穆宗紀上

二年二月癸卯女直來貢夏四月己亥鐵驪進鷹鶻

同上

三年夏四月庚申鐵驪來貢

同上

四年七月渤海國崔烏斯多等三十人歸周

五代會要三十

五年冬十月壬申女直來貢

遼史穆宗紀上

十一年八月女直國遣使貢名馬於宋

續資治通鑑二按文獻

通考作遣使  
盟突刺朱

十二年八月女直進鼻上毛小兒

續文獻通考是年二百二十六

女直遣使只骨入宋貢方物文獻通考二百二十七

十三年秋八月癸巳女直遣使貢名馬於宋續資治通鑑二百二十七

十四年夏四月丁巳黃龍府甘露降遼史穆宗紀下

十八年秋九月以女直詳袞原作嘉們為本部原作夏陌

額爾奇木原作夷离堇同上

保甯元年女直首領悉達理並姪阿里歌首領馬撒

鞋並妻梅倫並遣使獻馬及貂皮於宋文獻通考二百二十七

二年女直遣使朝貢於宋並賚定安國王烈萬華表

同上

四年女直馬撒鞋並首領斫姑貢馬於宋是夏首領

渤海那三人又入貢俄又首領祈違勃來貢馬又有

鐵利王子五戶並母及子弟連沒六温迪門沒勿羅

附其使貢馬

同上

五年五月辛未女直侵邊殺都監達里塔

原作達里迭

伊

喇原作鄂囉羅六月庚寅女直宰相及額爾

拽刺

里魯

奇木來朝

遼史景宗紀上

七年秋七月黃龍府衛將雅爾丕勒

原作燕頗

殺都監張

琚以叛遣敝史耶律曷里必討之九月敗燕頗於治

河遣其弟安搏追之燕頗走保兀惹城安搏乃還以

餘黨千餘戶城通州

同上

九年春正月丙寅女直遣使來貢五月己丑女直二

十一人來請宰相額爾奇木之職以次授之冬十月

壬申女直遣使來貢

遼史景宗紀下

十年四月己巳女直遣使來貢

同上

乾亨元年三月辛卯女直遣使來貢

同上

六月渤海帥達蘭罕

原作達懶漢

率部眾來降以達蘭為

渤海都指揮使

續資治通鑑十

三年宋太宗欲北侵遺詔渤海王發兵相應渤海畏

遼竟無至者

契丹國志六 按續資治通鑑十宋太宗太平興國六年帝將大舉伐遼遣使

賜渤海王詔書令發兵以應約滅遼之日幽薊土宇復歸中朝朔漠之外悉以相與然渤海竟無至者所



載較詳本三年事國志以爲六年非也乾亨無六年

統和二年二月丙申東路行軍宣徽使蕭布琳原作蒲甯

奏討女直捷乙巳五國威伊濟原作鳥隈于厥節度使耶律

威烏克原作隗洼以所轄諸部難治乞賜詔劍便宜行事

從之夏四月丁亥宣徽使同平章事耶律普甯都監

蕭勤德獻征女直捷秋八月辛卯耶律未只奏女直

珠卜奇原作尤不直薩里原作賽里等八族乞舉眾內附詔納

之遼史聖宗紀一

三年秋八月癸酉朔命樞密使耶律色珍原作斜軫爲都

統駙馬都尉蕭懇德爲監軍以兵討女直閏九月丙

申女直宰相哲伯埒

原作朮不里

來貢十一月丙申東征

女直都統蕭闡覽菩薩奴以行軍所經地理物產來

上同

四年春正月丙子樞密使耶律色珍林牙勤德等上

討女直所獲生口十餘萬馬二十餘萬及諸物壬午

樞密使色珍林牙勤德穆爾古

原作謀魯姑

節度使達林

原作闡覽統軍使碩羅

原作室羅

侍中穆濟

原作抹只

奚王府監軍

迪烈與安吉等克女直還軍遣近侍尼勒堅

原作尼里古

詔旌其功仍執手撫諭賜酒果勞之

遼史聖宗紀二

五年三月癸亥朔幸長春宮賞花鉤魚以牡丹遍賜

羣臣歡宴累日

聖宗紀三 孫承澤北平古今紀曰 遼有二長春宮一在南京一在長春

州若統和五年三月朔十二年三月十七年正月朔所幸之長春宮則非南京也

六年秋八月丁丑東路林牙蕭勤德及統軍實埒

原作

石擊敗女直兵獻俘瀕海女直遣薩喇勒

原作廝來魯里

朝及修土貢

同上

七年二月乙丑賞南征女直軍使東還丙子以女直

和克岱

原作活骨德

為本部相

同上

八年春二月壬申女直遣使來貢夏四月庚戌女直

遣使來貢五月庚寅女直宰相阿海來貢封順化王

六月丙辰女直遣使來貢九月乙亥北女直四部請

內附十二月癸卯女直遣使來貢

聖宗紀四

九年春正月甲戌女直遣使來貢八月戊寅女直進

喚鹿人

同上

十年二月壬申烏舍來貢三月甲辰鐵驪來貢七月

辛酉鐵驪來貢冬十月戊寅鐵驪來貢

同上

十二年秋七月丙寅女直遣使來貢十一月戊申朔

鐵驪來貢十二月癸巳女直以宋人浮海賂本國及

烏舍叛來告

同上 按續通鑑十八宋太宗淳化五年帝再遣使如遼約和弗許於是募人

汎海賂女直及烏寶等部叛之二部不從事在九月遼使作十二月告在後政和夾攻之約此其先事矣

十三年二月丁丑女直遣使來貢秋七月乙巳朔女

直遣使來貢丁巳烏舍烏哲圖

原作烏  
昭度

渤海雅爾不

勒等侵鐵驪遣奚王和碩鼎

原作和  
碩奴

等討之冬十月

戊子烏舍歸款詔諭之十二月己卯鐵驪遣使來貢

鷹馬

同上

十四年六月辛未鐵驪來貢冬十月戊午烏舍圖乞

內附

同上

十五年春正月癸未烏舍長武周來降戊子女直遣

使來貢三月庚寅烏舍烏哲圖以地遠乞歲時免進

鷹馬貂皮詔以生辰正旦貢如舊餘免六月丙申鐵

驪來貢

同上

十六年三月甲子女直遣使來貢五月庚辰鐵驪來

貢聖宗紀五

十七年六月烏舍烏哲圖來貢同上

二十年春正月辛酉女直宰相伊爾岱原作夷离底來貢

二月丁丑女直遣其子來朝四月戊子鐵驪遣使來

貢同上

二十一年春三月戊午鐵驪來貢夏四月乙丑宏簡錄作

戊辰女直遣使來貢戊辰烏舍渤海鄂羅木原作奧里米伊

呀圖原作越里篤伊呀濟原作越里古等五部遣使來貢同上

二十二年春二月乙卯朔女直遣使來貢秋七月丁

亥烏舍富珠哩

原作蒲奴里

博和哩

原作阿里

伊降圖鄂羅

木等部來貢九月丙午女直遣使獻所獲烏哲圖妻

子

同上

二十三年夏四月丙戌女直遣使來貢乙未鐵驪來

貢七月丁卯女直遣使來貢

同上

二十八年冬十月丙午朔女直進良馬萬匹乞從征

高麗許之

聖宗紀六 按文獻通考契丹國志通鑑長編俱云契丹征高麗道由女直女直復

與高麗合兵拒之契丹大喪師而還遼史不載蓋諱之也

開泰元年正月癸未長白山三十部女直首領來貢

乞授爵秩丁亥女直太保佛甯

原作蒲撚

等來朝八月丙

申鐵驪納蘇原作那沙等送烏舍百餘戶至賓州賜絲絹

納蘇乞賜佛像儒書詔賜護國仁王佛像一易詩書

春秋禮記各一部同上

三年春正月丁酉女直鐵驪遣使來貢同上

四年夏四月己巳女直遣使來貢同上

十一月癸酉女直貢於宋續通鑑十八

七年春三月辛丑命東北伊勒圖原作越里篤博和哩原作

割阿鄂羅木原作奧里米富珠哩原作蒲里鐵驪等五部歲

貢貂皮六萬五千馬三百聖宗紀七

秋七月丁卯富珠哩部來貢九月庚申佛甯國使奏



本國與烏里國封壤相接數侵掠賜詔諭之

同上

八年春正月壬戌鐵驪來貢三月己卯詔加征高麗  
有功渤海將校官癸未輝發太保塔喇噶來貢丙戌  
置東京渤海承奉官都知押班五月乙亥遷甯江州  
渤海戶於遼土二河之間秋七月己巳輝發大保莽

密來貢

同上

太平元年夏四月戊申東京留守奏女直三十部部  
長請各以其子詣闕祇候詔以其父俱來受約

同上

二年春三月甲戌如長春州五月庚辰鐵驪遣使獻

烏舍十六戶

同上

四年春正月庚寅如鴨子河二月己未獵塔魯原作撻魯

河詔改鴨子河曰混同江塔魯河曰長春河同上

五年春正月乙酉如混同江是月如魚兒灤以後歲為常事

不備書特發其凡於此三月如長春河魚兒灤其水一夕有聲

如雷越沙岡四十里別為一聖宗紀八

六年春二月己酉以默勒濟同知樞密院黃翩為兵

馬都部署達庫濟副之霍實原作赫石為都監引軍城混

同江蘇默原作疏木河之間黃龍府請建保障三烽臺十

詔以農隙築之東京留守巴格原作八哥奏黃翩領兵入

女直界徇地俘獲人馬牛豕不可勝計得降戶二百

七十詔獎諭之夏四月戊申博囉滿達勒部多烏舍

戶詔索之同上

七年春正月辛亥以女直伯埒原作白縷為特哩袞佛門

原作蒲馬為葉赫原作巖母部太師甲寅博囉滿達勒部遣使

來貢同上

八年九月壬辰朔以渤海宰相羅漢權東京統軍使

同上

九年秋八月東京錫里原作舍利軍詳袞大延琳反號其

國為興遼年為天慶所遣召黃龍府黃翩者告變渤

海太保夏行美亦舊主兵戊保州延琳馳書使圖統

帥耶律博諾

原作蒲古

行美以實告博諾得書遂殺渤海

兵八百人而斷其東路時南北女直皆從延琳

同上

十二月與遼國太師大延定引東北女直與契丹相

攻遣使乞援

遼史拾遺八引東國通鑑

十年十一月詔渤海舊族有勳勞材力者敘用餘分

居來隰等州

聖宗紀八

景福元年冬十月振黃龍府饑

續文獻通考二百二十

重熙二年春正月壬辰女直詳袞塔鴉克

原作臺押

率所

部來貢

遼史興宗紀一

六年秋八月北樞密院言伊埒濟

原作越棘

部民苦其酋

帥坤長不法多流亡詔罷伊埒濟等五國酋帥以契

丹節度使一員領之

同上

八年冬十一月己酉城長春

同上

九年十一月甲子女直侵邊發黃龍府鐵驪軍拒之

同上

十年二月庚辰朔詔博囉滿達勒部歸哈斯罕戶之

沒入者使復業

興宗紀二

十二年夏四月己亥置輝發詳袞都監五月辛卯博

囉滿達勒部來貢失期宥而遣還

同上

十三年夏四月己酉遣東京留守耶律浩善

原作知侯晒

黃龍府事耶律烏魯斯原作歐里斯將兵攻博囉滿達勒

部同上

十五年春二月丙寅博囉滿達勒界海蘭原作曷懶河戶

來附詔撫之夏四月壬戌以北女直詳袞蕭郭囉原作

高六為奚六部大王甲戌博囉滿達勒海蘭河百八十

戶來附秋七月丁未以女直部長札穆原作庶母率眾來

附加太師十一月己亥括渤海部軍馬同上

十六年冬十月庚午鐵驪星莽原作仙門來朝以始入貢

加右監門衛大將軍十二月辛丑朔女直遣使來貢

興宗  
紀三

十七年夏四月甲申博囉滿達勒部大王佛宵

原作蒲輦

以造舟人來獻六月辛卯長白山太師察克

原作紫曷輝

發部太師薩喇圖

原作撒刺都

來貢方物秋七月丁亥伯

哩八部伊勒希巴和費延等內附八月戊子以耶律

義先為行軍都部署夏行美副部署耶律珠展為監

軍長伐富珠哩酋托多羅

同上

十八年正月丙辰耶律義先奏富珠哩捷二月乙酉

執托多羅以獻五月甲辰五國酋長各率其部來附

庚戌輝發部長烏達台吉

原作兀迭臺札

等來朝戊午五國

節度使耶律仙童以降烏爾古

原作烏古

叛人授左監門

衛上將軍

同上

十九年夏四月壬申博囉滿達勒部特哩袞錫都原作

信篤來貢六月壬申輝發博囉滿達勒部各遣使貢馬

同上

二十一年六月遣使詣五國諸部捕海東青鶻續通志四

十五按此事遼史本紀不載

二十二年閏七月長春州置錢帛司興宗紀三

二十四年春正月癸亥如混同江二月癸巳如長春

河三月癸亥皇太弟重元生子曲赦行在及長春鎮

北二州徒以下罪同上



清甯二年冬十一月戊戌以北院大王耶律仙童知

黃龍府事

遼史道宗紀一

三年春正月乙未五國部長來貢方物

同上

四年城鴨子混同二水間

宏簡錄二百一十李儼傳

六年六月戊午朔以東北路女直詳袞高家努

原作高家

奴

為特哩袞

道宗紀一

七年冬十一月壬午以知黃龍府事耶律阿勒札

原作

只阿里為南院大王

同上本傳南院作北院

咸雍五年冬十一月丁丑五國博和哩部叛命蕭素

颯討之十二月甲戌五國來降仍獻方物

道宗紀二

六年冬十月丁卯五國部長來朝同上

七年春二月乙丑女直進馬三月己酉以討五國功

加知黃龍府事蒲延懷化軍節度使高元紀易州觀

察使高正並千牛衛上將軍五國節度使蕭托斯和

原作陶

蘇幹

甯江州防禦使大榮並靜江軍節度使是歲

春州斗粟六錢同上

八年三月癸卯有司奏春泰甯江三州三十餘人願

為僧尼受具足戒許之道宗紀三

太康元年二月祥州火遣使恤災同上

二年春二月戊子振黃龍府饑同上

四年九月庚子五國部長來貢同上

六年六月庚戌女直遣使來貢道宗紀四

七年春正月戊申五國部長來貢甲寅女直貢良馬

同上

八年春正月丁酉鐵驪五國諸長各貢方物三月庚

戌黃龍府女直部長鐘鼐原作朮乃率部民內附予官賜

印綬同上

九年九月辛未五國部長來貢同上

十年夏四月丁丑女直貢良馬同上

大安元年春正月庚戌五國酋長來貢良馬同上

二年春正月己酉五國諸部長來貢三月乙酉女直

貢良馬冬十月丙戌五國部長來貢同上

三年春三月庚辰女直貢良馬道宗紀五

四年春正月甲子五國部長來貢二月甲午曲赦春

州役徒終身者皆五歲免己亥如春州赦泰州役徒

五月己未振春州貧民同上按宏簡錄作正月丁丑曲赦春泰等州三月己巳

振春州與史異

六年春三月辛未女直遣使來貢同上

八年十一月丁酉通州潦水害稼遣使振之同上

十年夏四月辛亥休格原作朽哥奏伯哩八部來侵擊破

之同上

壽隆元年夏四月己亥女直遣使來貢秋七月癸丑伯哩八部來附進方物十一月丙申女直遣使進馬

道宗紀六

二年秋八月己丑伯哩八部進馬同上

三年八月己亥博囉滿達勒部長率其民來歸九月

己卯五國部長來貢十一月乙卯博囉滿達勒部來

貢同上

五年六月乙未五國部長來朝同上

六年冬十月癸卯五國諸部長來貢十二月乙未女

直遣使來貢庚申鐵驪來貢

同上

乾統元年秋七月癸亥鐵驪來貢

遼史天祚帝紀一

是歲生女直部節度使英格

原作揚割

死傳于兄之子武

雅淑

原作烏雅束

淑死其弟阿固達

原作骨打

襲

續通志四十六

二年冬十月乙卯蕭哈里

原作海里

叛命北面林牙赫嘉

努捕之蕭哈里亡入拜珠

原作陪尤

水阿克展

原作阿典部天

紀

三年春正月女直函蕭哈里首遣使來獻

同上

初契丹國舅帳蕭哈里聚眾為盜潛奔女直因命英

格圖之遷延數月獨斬哈里遣阿固達獻其首級餘

悉留不遣

大金國志一

九年夏四月壬午五國部來貢

天祚紀一

十年夏四月丙子五國部長來貢

同上

天慶元年春三月乙亥五國部長來貢

同上

二年春正月己未朔如鴨子河丁丑五國部長來貢

二月丁酉如春州幸混同江釣魚生女直酋長在千

里內者以故事皆來朝適遇頭魚宴酒半酣上臨軒

命諸酋次第起舞獨阿固達辭以不能諭之再三終

不從他日上謂樞密使蕭奉先曰前日之宴阿固達

意氣雄豪顧視不常可託以邊事誅之否則必貽後

患奉先曰麤人不知禮義無大過而殺之恐傷向化之心假有異志又何能為同上

阿固達有弟姪曰武奇邁原作吳乞買尼雅滿原作瑚寶

原作胡舍輩天祚歲入秋山數人必從善作鹿鳴呼鹿使

天祚射之或刺虎或搏熊天祚喜輒加官爵後至圍

場司差遣者有之阿固達會釣魚而歸疑天祚知其

異志即欲稱兵遂併吞諸鄰近部族有卓克算原作趙三

阿古齊原作阿鵲產者拒之不從阿固達虜其家二人來

訴於咸州詳袞司送北樞密院時樞密使蕭奉先懼其生事但作常事以聞天祚指揮就送咸州取勘欲



使自新阿固達竟託病不至契丹國志十

三年春三月阿固達率五百騎突至咸州赴詳袞司

與卓克算等面折庭下阿固達不屈送所司問狀一

夕遁去遣人訴於上謂詳袞司欲見殺故不敢留自

是召不復至天祚紀一

四年春正月如春州初女直起兵以赫舍哩原作紇石烈

部人阿疎原作阿蘇不從遣其部薩哈原作撒改討之阿疎弟

迪固布原作狄故保來告詔諭使勿討不聽阿疎來奔至

是女直遣使來索不發秋七月女直復遣使取阿疎

不發乃遣侍御愛實布原作阿息保問境上多建城堡之

故女直以慢語答曰若還阿疎朝貢如故不然城未

能已遂發渾河北諸軍益東北路統軍司阿固達乃

與弟尼瑪哈

原作粘罕

呼實

原作胡舍

等謀以尼楚赫

原作銀朮割

伊喀

原作移烈

羅索

原作婁室

棟摩

原作闔母

等為帥集女直諸部

兵擒遼障鷹官及攻甯江州東北路統軍司以聞時

上在慶州射鹿聞之略不以介意遣海州刺史高仙

壽統渤海軍應援蕭托卜嘉

原作撻不也

遇女直戰於甯

江東敗績

同上

九月女直攻破甯江州先是州有權場女直以北珠

人獲生金之類為市州人抵其值且拘辱之謂之打

女真州既陷殺之無遺類獲遼兵甲馬三千退保長

白山之阿朮火阿朮火者女真所居之地以河為名

也契丹國志十

十月守司空契丹國志守司空下有殿前都檢點五字蕭嗣先為東北路

都統靜江軍節度使蕭托卜嘉為副發契丹奚兵三

千人中京禁軍及土豪二千人別選諸路武勇二千

餘人以虞候契丹國志作中京虞候崔公義充都押官控鶴指

揮契丹國志作侍衛都指揮使商州刺史邢穎副之屯出河店兩軍對

壘契丹國志作臨白江與甯江女真對壘女真軍潛渡混同江掩擊遼

眾契丹國志云掩其不備未陣擊之蕭嗣先軍潰崔公義邢穎耶律

佛哩原作佛留蕭噶克實原作葛十等死之其獲免者十有七

人天祚紀一

十一月壬辰都統蕭敵里等復營沃稜原作幹鄰樂東爲

女直所襲死者甚眾同上

國舊例凡關軍國大事漢人不與天祚自兩戰之敗意爲蕭奉先不知兵始欲改用將帥遂召宰相張琳

吳庸等付以東事用漢軍十萬降宣劄付上京長春諸路計人戶家業錢每三百貫自備一軍時富民有

出一百軍二百軍者琳等皆非將帥才器甲聽從自便人人就易槍刀氈甲充數弓弩鐵甲百無一二襍

以番軍分出四路北樞密副使耶律斡里朶涑流河  
路都統衛尉卿蘇壽吉副之黃龍府尹耶律宵黃龍  
府路都統桂州觀察使耿欽副之復州節度使蕭湜  
格咸州路都統將作監龔誼副之左祗候郎君詳袞  
蕭和古好草峪都統商州團練使張維協副之獨涑  
流河路一軍深入遇女直交鋒稍卻走還其營斡里  
朶以爲漢軍遁卽領契丹兵棄營而奔漢軍尙餘三  
萬餘推將作少監武朝彥爲都統再與女直戰遂大  
敗餘三路聞之各退保其城悉爲女直攻克

契丹國志十參

十二月咸賓祥三州及鐵驪烏舍皆叛入女直伊實

原作往援賓州南軍諸將實喇原作圖烈原作等往

乙薛原作往援咸州並為女直所敗天祐紀一

五年春正月遣僧嘉努原作僧家奴持書約和阿固達遣

賽刺復書欲歸叛人遷黃龍府於別地然後議之幹

里朵等與戰于達里庫原作達魯古城敗績三月遣耶律

章嘉努原作張家奴等齋書斥阿固達名冀其速降夏六

月壬子使還復書亦斥上名速降如之癸丑詔諭諸

道車駕親征是月遣蕭色堦原作辭刺使女直以書辭不

合見留宏簡錄二百六

七月都統幹里朵等與女直戰于白馬濼敗績八月

丙寅以圍場使鄂博原作阿不為中軍都統耶律章嘉努

原作張家奴為都監率番漢兵十萬蕭奉先稱御營都統

諸行營都部署耶律章努原作章奴為副以精兵二萬為

先鋒餘分五部為正軍貴族子弟千餘人為硬軍扈

從百司為護衛軍北出駱駝口以都檢點蕭呼塔噶

原作胡觀姑為都統樞密直學士柴誼為副將漢步騎三

萬南出甯江州路自長春州分道而進發數月糧期

必滅女直天祚紀二

九月丁卯朔女直軍陷黃龍府己巳色埒原作辭刺還女

直復遺賽刺以書來報若歸我叛人阿疎等卽當班

師上親征尼雅滿

原作粘罕

烏珠

原作兀术

等以書來上陽爲

卑哀之辭實欲求戰書上上怒下詔有女直作過大

軍翦除之語阿固達聚衆以刀剖面仰天慟哭曰始

與汝等起兵蓋苦契丹殘忍欲自立國今主上親征

奈何非人人死戰莫能當也不知殺我一族汝等迎

降轉禍爲福諸軍皆曰事已至此惟命是從

同上按大金

國志載此事作諸軍皆拜曰事已至此當誓死一戰較之史文爲合

冬十一月命駙馬蕭特默林牙蕭察喇等將旗兵五

萬步卒四十萬親軍七十萬至駝門十二月戊申親



戰於護步答岡敗績盡亡其輜重上同

女真兵馬會契丹未陳三面爭擊之天祚御旗向西

南出眾軍從而敗潰天祚一日夜走三百里退保長

春州北盟會編二十一

六年七月春州渤海二千餘戶叛東北路統軍使勒

兵追及盡俘以還天祚紀二

七年正月女直軍攻春州東北面諸軍不戰自潰孟

古原作女古皮室四部及渤海人皆降同上